

NI KA TULA CWAÑI?



Halu inamiseñi litho za luna kwa tapelo.

Ndata luna, lwa itumela ku Wena, kakusasana cwana, ka nako yende ye ya kutaha hamoho hape, ni ku kwalula Linzwi la Mulena, ku Li beya fa pila luna faa. Mi—mi ka tapelo cwale, kuli Moya o Kenile unge se sili Mulimu, mi uka U ka Si fa ku luna, kuli lukone kuzwa mwa sibaka sa kulapelela se kacenu ka lipilu ze tabile litezi tabo. Kubona mata a Hao amatuna a ku tamululwa, Mulena, mo a tamululela batamiwa ni ku ba lukululela, ku lu zibisa “lika ze ne liteñi, ni ze li teñi, ni ze sa taha.” Mi lwa itumela fela ku Wena ka lika zee.

² Lu lapela kuli U lu fuyole halunze lubala Linzwi la Hao cwale hamoho. Mi ha lu ka zwa, ha li bulelwe mwa lipilu za luna, hanze lu ya cwalo mwa nzila, “Lipilu za luna ne li tuka mwahali ku luna fani Yena, fani Moya o Kenile, ha na ambola ku luna ha ne lu sa li mwa nzila.”

³ Fuyola mukutazi kaufela kacenu, kai ni kai, batanga ba Hao ba ba yemela Se, Niti ya Hao. Alaba litapelo za bona za bakuli. Folisa mibili ye kula ya ba ba nyandile.

⁴ Mulena, lu kupa kuli U zamaye mwahala sicaba mi u bate peu ye lelilwe kale kwande kwani, Mulena, ni ku i tisa, ka nzila yeñwi, kuli Liseli li monyehela mwa nzila, Mulena. Kakuli, lu lumela kuli hola se ifela, lizazi lisweli ku ya li likela kunwela kwa wiko, mi cwanoñu ika bizwa kuli “nako i kabe i felile.” Nako ni Kuyakuile li ka tamahana hamoho foo Mulimu ni sicaba sa Hae ha ba tamahana hamoho. Mi lu lapela, Mulimu, kuli, ka nako yeo, kuli lu balelwe mwahala bona ba ba ka kena ku Kreste, baba bizwa Munyaliwa wa Hae.

Lu tuse, kacenu, hanze lu itukisa, lu sa zibi ze taha kamuso, kono lu itukisize ku amuhela sika kaufela, Mulena, kuya ka mo lu zibela, zeo Wena u lu bulukezi. Lu itukisize ku li amuhela. Lu kupa mbuyoti ye kwa kanya ya Mulimu, ka Libizo la Jesu Kreste. Amen.

Mwa kona kuina.

⁵ Ne ni tabile luli, kakusasana cwana, ha Ni kena mwahali mi abona kuli—kuli sicaba si kopani hamoho kwa sebelezo ya Mulena. Mi lu fa zibiso cwale ya busihu boo. Ku kaba sebelezo ya foliso busihu boo. Lu ka lapelela bakuli, busihu boo. Mizuzu nyana fela ye fitile, bona . . .

⁶ Ha Ni kena mwahali, Billy, mwana ka, a ni bulelela, kuli, “Kuna ni—ni mutangana mo, yani ki muuna fela ya shebile ta zamaisize mota musipili o mutelele.” Mi ali, “Ni—Ni mu beile mwa muzuzu, Tate.”

7 Ne—Ne ni keni ka kuliye ha maabani busihu, mi—mi ne ni si ka bala hahulu fa tuto ya sikolo sa la Sunda ye ne Ni ka ambola fateni, kakusasana cwana. Kacwalo Na lukisa litaba nyana ze Ni ngile ni zene Ni utwile muzwale yomuñwi inza bulela, mi na zwise tuto ye fateni, kuba ni tuto ya sikolo sa la Sunda kakusasana cwana; mi halunze lu itukisa, ni ku itukiseza za sebelezo ya manzibwana.

8 Mi Billy ali, “Kuna ni muuna mwahali mwani ya kula.” Ali, “Ni—Ni—Ni lakaza kuli kambe ne mu ka mu bona.” Kacwalo, Na kena mwa muzuzu ona fa cwale. Mi muzwale wa siyemo saka, ni musala hae, inge ba inzi mwani. Mi Moya o Kenile wa taha mwahala luna mwa muzuzu fela cwale.

9 Munahane fela, kubulela fela za sebelezo ya foliso, mi ki Yani nali fani. Mwabona? Mi A bulelela muzwale yo kaufela za na ezize, ni za na sweli kueza, ni se si tisize butata bwa hae, ni kwa na zwelela, ni zeñwi kaufela za hae. Mi nekuna ni muluti omutuna o munsu ono nyendaela mwa muzuzu. Mi se ku kala kuba liseli, liseli, liseli, ni liseli, mi Moya o Kenile wa mu tahela.

10 Cwale, Ni sepa kuli muuna yani u mwa. . . kokuñwi kwa mulaho kwanu cwale. Yena ni musala hae mwendi bapalezwi kukena mwahali, kono ne ba bulezi kuli ne ba ka ba teñi, kupale kumane, ku ba mwa sebelezo. Ba taha kuzwa kwa ni kwa, bukau fi ni Yuma, Washington, ni ku to kena mwateni. Mi ki mukutazi wa Evangeli.

Kono ka kubona fela sishemo sa—sa Mulimu foo! Koo, muuna yani nali mwa sibaka sa lipulumuki mwa na sweli ku a amuhelela likalafo ni zeñwi kaufela. Moya o Kenile u patulula lika ze kaufela. Kanti, madokota balika katata kueza lika kaufela zebakona, mwendi, ka kutusa muuna yani, kono ne si ngile fela muswalelo nyana wani wa Mulimu, kuli afutule liñungwa. Likalafo za kutakana ki zende, kono liswana inge ze lukona kubiza kuli “ndonga yamwa lififi,” mwa ziba. Wena, yakona ku ku utwisa bumawe, mwabona, kakuli wakona kulibala kaufela zo kile wa ziba, ha ba beya mulyani wani ku wena. Kono Mulena Mulimu, ka mo sishemo sa Hae ni sishemo! Mi mane Ni si ka mu lapelela kale, ne se lifelile kale. Mwabona? Ne si ngile fela nto yeñwi ya Mulimu yani, ona muswalelo o cwalo wani, kuli kuezahale.

Ne ni sa lukeli kubulela cwana. Eehe. Ne ni talimela fabuse, na bona muuna yo cwale. Kihande, Ne ni sa zibi haiba no ka fita kacenu kamba nee.

11 Kwani kwa matakanyani ko Ni bile ni pila, biki yee. Na—Na—Na lata balikani baka kulo kwani. Ki kuikatulusa nyana mikopano yemituna ye i si ka kalisa kale, mwa bona. Mi Ni taha kwa ndu, ku ya kwani ku yo zuma tumale ni mizwale yemiñwi ye. Mi lubasi lo, mabasi, nitaluse, o Ni pila ni ona kwani, ki batu

ba bande luli. Mi muuna yani, ki muzwale sakata luli, balikani; ba cwalo.

Mi alimuŋwi wa bona ki mulati luli wa—wa kuzuma linja. Mi una ni mulaka o tezi wa zona. Mi—mi Na bona nja yende hahulu kwani, yesisani cwana, kona mo ne Ni ka ibizeza cwalo, “ki licika la nja ni linja zepeli zetelele,” mwa ziba, yene—yene sweli kumata mata ipotoloha ndu kwani. Mi Na hupula kuli, “Mawi, kana Joe na si ke kuba ni yeŋwi ye cwalo!”

¹² Mi, kakuli, kwani kwa Arizona, ne ba sa itusisi yona. Ne i kenanga mwa mikakani, mi ani a ba mafelelezo a yona. Kacwalo he Na li, nina, “Haukoni kuba ni yona. Ha ba itusisi linja kwani, mwa siemba sa naha sani. Kakuli, bona, kihande, ne ba sa itusisi zona. Ne ba kona . . . hape, mufukelo wa moya, mu—mu muinelo wa ona mwa sibaka sani ni mikakani, ne li bulaiwa.” Mi he, kiniti, nja ya kuzumisa kulo kwani, si—si sitongwani, kamba nto yeŋwi yakona ku ibulaya, mwendi, mane, haiba izwela fande.

¹³ Kacwalo he muuna yo ali kuna, “Wakona fela kuba ni yona.” Kono Na—Na palelwa ku inga. Ne—Ne ni itumezi ka yona. Na to fumana kuli, neli iliŋwi ya linja ze lateha za hae.

¹⁴ Mi muuna yo una ni musala hae yomunde yomunyinyani ni banana babanyinyani. Mi ka zazi leliŋwi, a kala kukuta ni mota ya hae, mi nana ni yona mota ya mota yebizwa Oldsmobile. Mi nja yani i fita fela fa butelele *cwana*, neli fela njanana. Mi sa i ka hata. Mi mota ya Oldsmobile yani ya pyata nto njanana yenyinyani yani, fa mukokoto wayona *fa*, ni ku ka lubaka lubaka, kakuli macwe fafasi na ka tabakile mwa mba fa, mwa ziba. Mi—mi musali yani, kufita kuli amatiseze kanja kani kwa baalafi ba limunanu . . . Kakuli, baika ba milyani ne ba ka ka lobaza ona fani, ni ku ka bulaya. Mwabona?

Ne ku na ni mucaha yomuŋwi yanali nina. Mi hana ilo fita fela kwani, ali, “Kambe yani ki nja yaka, Ne ni ka ikunupa.” Ali, “Ku felile. Tuhela kuli kuli inyande ona cwalo?”

¹⁵ Se nili, “Kihande, lusike lwa i kunupa.” Se nili, “Halu libelele hanyinyani.”

Na zwisa batu kaufela fande, mi na yo i lapelela. Njanana yani ya ni latelela mwa malibela. Mi yena, eeni, yena . . . Mwabona? “Lika kaufela ze mu lakaza, ha mu lapela, mulumele kuli mwa li amuhela; mi mu ka li fiwa.” “Lika kaufela.” Yani ki yena Mulena Mulimu wa luna, nji cwani? Yena—Yena ki ya makaza mi yomunde. Mi luli lwa Mu lata, kakusasana cwana; ni ku Mu libelela, ni kuziba . . .

¹⁶ Ne ni boni, zazi leliŋwi, ba—ba mo mutu ni musala hae, me ni ndate wa membala yomunde wa—wa kopano ye ya balumeli. Mi bomahe bona, oh, Na sepa ba sutelezi bukaufi ni mwanda, ni bondatahe ba cwalo, ni bona. Mi ka myaha ye lishumi ka yemibeli muuna yo ha si ka shenya fateni; ki fa mukokoto fela, inza lobezi fela hande ku kanama. Kamba, hakoni kulobalela

kwa makupo, kamba mane hakoni. A lobala fani ka myaha ye lishumi ni yemibeli. Ki musupali feela. Mi bomahe cwale se ba li bukaufi ni lilimo za hae, Na sepa, bukaufi ni lilimo ze mwanda, mi mutu wateni sa li fakaufi fela ni kutakana. U nahana kuli kuna ni ya ngile kaufela za nani.

Mi Na talima fa . . . fabuse bwa tafule, ku luna kaufela, banana ni babahulu, inge bainzi fani. Mi se Nili, “Lu ya kai? Ki sikamañi se lueza?” Mi kalibe yene Ni pila ni yena kwani, yani neli mahe ni bo ndatahe. Mi se Nili, “U libile ona cwalo nzila yani, ni wena. Luli, mañi ni mañi wa luna.” Mwabona?

¹⁷ Munahane fela ka zona, fa nako nyana fela, lu si ka kalisa kale tuto yaluna. Kwani kona ko lu libile. Ki sikamañi se mu ikataleza? Kuli mupile. Ki sikamañi se mu pilela? Kuli mu shwe. Hanili likona kuba fela bukuba haiba lupalelwa kuamuhela lituso za Mulimu za Bupilo Bobusafeli? Lukona kunahana sikamañi ka zona? Ki—ki sikamañi se sikona kuba mwa minahano ya luna, se si kona kuhoha kutwisiso ya luna . . . kwa sika kaufela? Kucwani hane u kaba ni madollar alikana milioni, mi haiba tolopo ya—ya Indiana neikaba ya hao, kamba tolopo ifi kaufela, kamba nihaiba naha mutumbi, kamba, kuya ka buino bwani, lifasi kaufela?

U pila nako yetelele, u lukela kufita ona foo, hape. Mwabona? Mi ka tundamo, zazi ni zazi, nako kaufela pilu ya hao ha inata, u ya fela kulibana ni zeo. Mwabona? Wena, hakuna kutula ku wena. U kwa neku le li luzize, mi, wena, u na ni kuluza. Kono muhupule sepiso, kuli, “Ya ka latehelwa ki bupilo bwa hae kabakala Ka uka bu fumana.” Cwale, ki sikamañi hape se si kona kuba mupuzo omutuna kufita Bupilo, ni ha ne u ka fumana lifasi kaufela kuba la hao? Kono, haiba u—haiba u fumana Bupilo, u fumani nto yetuna hahulu ku zekona ku fumanwa. Ni bata kuli . . .

¹⁸ Na talima kwa neku la nzohoto ya ka mi na bona hape, ona fa cwale, mupuzo omuñwi wa sishemo sa Mulena. Mwendu lisunda nyana zefitile, Na bizwa fa luwaile. Mi membala ya lateha wa keleke ye, kamba mubili wo . . . Hani lati kubiza se hahulu kuli kuba keleke. Ni—Ni bata kubiza se, kuli . . .

Inge hane Ni ambola ni batu babañwi, se bali, “Kihande, u wa keleke ifi?”

Se nili, “Ha ni wa ifi kaufela . . .”

“U wa kopano ifi?”

Se nili, “Hakuna.”

Ali, “Kihande, u wa siemba sifi he?”

Se nili, “Wa Mubuso.”

¹⁹ Wa Mubuso! “Mi ka Moya ulimuñwi lu kolobelizwe mwa Mubuso wani.” Ka Moya ulimuñwi, kaufela, mwa Mubuso woo! Jesu naize, “Mulapele kuli, ‘Kutahe Mubuso wa hao. Se si latwa

ki wena siezwe mwa lifasi, sina mo si ezezwa kwa Lihalimu.” Cwale, Na yemi zazi leliñwi fapila Lilundu la Petuho, Mi ali, “Kaniti Ni li ku mina, kuli babañwi baba yemi mo, habana kutatuba lifu, kufitela ba bona Mubuso utaha ka mata.” Ne li bonahalizwe handende, sina mo lu bezi ku zona, fa Lilundu la Petuho. Mi Bibeze iize, “Mubuso wa Mulimu u mwahala mina.” Kacwalo, se ki sicaba sa Mubuso se si bulela kuli le ha ki lapa la bona. Le ha ki lapa la luna. Lu libelezi Kutaha kwa Mulena, ku to toma Mubuso.

²⁰ Ne ni bizizwe kwa taba ya putako, ya—ya muzwale yomuhulu ya bile sina ndate ku na. Mi yena . . . Ne ni si ka mu ziba fa nako yetelele hahulu, kono Na hupula zazi lene Ni mutisize kwanu kwa kolobezu ya mezi. Mi muuna yani cwanoñu u kaba wa myaha ye nainte wani ya kupepwa. Mi musala hae ya lateha a ni biza, mi yena ka kuba nasi, ali, “Nana ni butuku bwa pilu luli.” Kwanda seo, nana ni . . . Oh, Ni biza. . . hanikoni kupunda libizo lani. Butuku bwa pilu. [Kezeli uli, “Coronary.”—Mu.] Neli butuku bwa pilu bwa Coronary. Ni itumezi. Neli butuku bwa pilu Coronary, ni pilu ye katezi hahulu. Mualafi ha fi sepo ni yekana, ni hanyinyani. Mi muuna yani na shwa, mi a ni biza.

²¹ Mi se Ni kena mwa Ford yaka ya kale, ni kukala kuya kwa Ohio, mo ne Ni konezi kaufela, mi na sa zibi, leliñwi la mawili aka la zwa mwa sikuka sa ona, la pazula taya kwateni. Mi kacwalo he, Na yo fita kwani, hanizwa fa sibaka sa kunwiseza mafula, mwendi ka ilebene kiloko, Ne ni bilaela ka yena, Na—Na mu lata. Mi Na ziba, haiba—haiba li zwelapili cwalo, Mulena ha liyeha, kiñi, cwanoñu kamba kasamulaho, lu ka siyana.

²² Kono, zeo halina ku filikanya Kungelwa kwa balumeli, cwale. Mwabona? Batili. Ba taha pili, kanti. Bona bana ni lithonolo, ba ba se baile. Ba kia zuha pili. Mwabona? Mwabona? “Luna baba pila mi lusiyala, kufitela Kutaha kwa Mulena, haluna kutibela kamba kupaleliswa bani baba lobezi. Tolombita ya Mulimu ika lila; ba ba shwezi ku Krete ki ha ba ka zuha pili. Mi cwale meto a luna ha ka bona balatiwa baluna, kona kuli lu ka cinciwa, mwa nako nyana, ka ku koba feela kwa liito, mi lu ka ngelwa mwahalimu hamoho.” Mwabona? Bona ba ba kangelwa pili ba na ni lithonolo fahalimwa ba ba pila.

²³ Hane Ni zwa mwa sibaka sa kunwiseza mafula, ka ilebene kiloko fela, Moya o Kenile wa li kuna, “Usike wa bilaela ka yena. Uka yo swala lizoho la hae, mwa nzila hape, mi u ka kena mwa keleke,” muuna wa lilimo ze nainte-wani za kupepwa, inza shwa.

Hane Ni katani musala hae ni balatiwa ba hae mwa sipatela kwa Lima, ba ni bulelela ka buino bwa hae. Na kena mwahali, na mu talima mwahali mwani. Ki hali, “Kono yena ki nto yenca.” Ali, “Na—na kalile ku cinca kuba hande, ka ilebene kiloko.” Kihande, mi ne Ni . . . Mulena na ba bonisize sicaba lika zeñata

hahulu, ba ziba kuli ne Ni si ka bulela fela cwalo. Kakuli, ne ba ni bulelezi zona pili kuli, “Na kalile kucinca.” Neba ziba kuli Ne ni ka ba bulelela niti.

²⁴ Kacwalo, Sunda yefelile, hane Ni ya kwa Blue Boar Cafeteria kwani kwa Louisville, ko Ni nahana kuli ne ba eite pesenti ya kopano ye i kopananga la Sunda musihali, ku to ca, ki mañi yene Ni boni ha shetumuka mwa mukwakwa? Na mi bulelela, pilu yaka ne i njanja ha Ni bona Muzwale Dauch ha taha mwa mukwakwa, ona cwalo luli sa Na ni bulelezi. Na swala lizoho la hae, mwa—mwa mukwakwa.

²⁵ Mi Na—Na kuta kwanu la Sunda yefelile busihu ni ku kutaza fa tuto ya kutwano, ya *Sisupo Sa Nako Ya Kukopana*. Kacwalo. . . Mi cwale sani sa tisa to ezahala, ona mwa na Na bulelezi fela. Mi ki yo uinzi mwa keleke kacenu, ona mwahali mo bukaufi ni luna, ka kuba mupuzo wa sishemo sa Mulimu. Hana nyanganyisa lizoho la hae mwatasa tende, tende ya okisijini mwa na inzi, Se nili, “Muzwale Dauch, ukaba fela hande. Ni ka kubona mwa keleke hape. Kakuli, seo kikuli SA BULELA MULENA KISONA.” Mwabona? Kiyoy uinzi mwa keleke, ona fa cwale, Muzwale Dauch.

²⁶ Haiba ha Ni lyangani, mukutazi yo ne Ni ambola za hae, fa mizuzu nyana yefitile, ona Moya o Kenile wa taha ku to patulula lika ze kaufela; wa mu bulelela mo ne li ezahalezi, ni ku mu bulelela sa na ezize; mo ne li ezahalezi, mo ne li tilo ngela sibaka, kaufela ze bile li ezahala kuzwelela ona fani, mane ni kwa buino bwa lubasi lwa hae, ni zeo kaufela. Ni ku mu bulelela, kuli, “Ku felile.” Mi mukutazi ki yo ya inzi fa cwana, kwa lizoho la bulyo. Muñaka ha ku nanule fela lizoho la hao, sha? Foo, yena ni musala hae, kiniti, ona fa cwale.

Kiyoy fa Muzwale Dauch, ona fa cwale. Oh, mawi!

²⁷ Kana ha Ki yomunde nji? “Lika ze ne liteñi, ze liteñi, ni ze ka ezahala.” Alimuñwi, wabubeli, lipaki zetalu. “Lika ze ne liteñi, so ezize; lika ze sweli kuezahala cwale; ni lika ze ka ezahala.” Mi ka nako kaufela, ka swanelo, ka swanelo kuya ka Linzwi. Yani ki Mulimu fela yakona kueza cwalo. Oh! Kana ha lu si ka taba hahulu ka lika ze?

²⁸ Cwale, libaka le ne Ni liyehela nyana cwalo, Billy nana ni ku yo nga musala hae ni mbututu. Mi ki hali, “Tate, musike mwa kala kukutaza kufitela Ni kuta.” Kacwalo, Ni—Ni sepa kuli u kutile cwale. Mi Ni lukela kuba ni nako yeñata, niteñi. Mi Ni lika kuzwa mwa liholo zene za ku katalisa ze kaufela ze Ni mi beya kuzona mwahali mo, ni kuli ibe mizuzu ye mashumi amalalu ka ye ketalizoho, mizuzu ye mashumi amane, mwa bona, ni kulika ku i buluka.

²⁹ Cwale, Ne ni lumbilwe nhako yeñwi mwa Chicago. Hane ni kutalize ka mizuzu ye mashumi amalalu, kamba nto yeñwi cwalo, mashumi amalalu ka aketalizoho. Mi la Sunda yefelile

busihu neli fela mizuzu ye fote-faifi. Billy ali, “Awa musweli ku cimbuka cwale, tate. Na ikumusa ka mina, ka seo.”

³⁰ Kihande, mwendi, kakusasana cwana, kuli ibe mufuta wa sikolo sa la Sunda, Hanina ku mi inisa nako yetelele hahulu. Kuli mukone kuzwa ni kuba ni sico sa musihali, ni kulapela, ni kukuta busihu kacenu kwa lisebelezo za foliso. Luka panga mukoloko wa tapelo busihu bwa kacenu ni ku lapelela bakuli.

³¹ Cwale, haiba mwa ziba batu kaufela baba liteni, kai ni kai, baba kula mi ba bata ku lapelelwa, mu batise kwanu busihu boo. Mwabona? Haiba muna ni kubatisa, ka nzila ifi kaufela, muba tise kwanu. Mwabona? Yeo kona nto yabutokwa, ki, ku batisa mo busihu bwa kacenu. Kaufela lu kopane hamoho. Nzila yeo . . . Ku tata kuba ni lipizo, kuya sibaka ni sibaka; kipeto mu ka siya babañwi, mi kuba ni maikuto a maswe. Kono haiba Ni kona kuba beya mwa sibaka silisiñwi, kona kuli Ni ka ba lapelela. Cwale, haiba muka . . . Haiba sicaba si bata ku lapelelwa, baka . . . Mu li, “Kana baka eza cwalo?” Oh, kiniti. Ba ka lapelelwa. Ba batise kwanu. Mulena ha lata, lukaba mo, lu lapelele mañi ni mañi. Kakuli, Ni ikutwa kuli kuhoha kwa bulalu kwani ke kukala kuhoha, mwa bona, ku—kuna mwahali. Mi Ni—Ni—Ni bata ku lapelela mutu kaufela.

³² Cwale ha lu sikuluheñi, kakusasana cwana kwa Liñolo le li zibahala la kale le ne Ni pamuzi kaputako maabani busihu, inge ni ozela luli, ni kuñola Mañola nyana a zamaelela ni lona. Ni kuba ni litumbo cwalo. Na utwa muzwale yomuñwi, nako yeñwi, ya na itusisa palo ye. Mi Na hupula kuli . . . Na li ñola. Na hupula kuli, “Kihande, Ni lumela kuli Ni ka i ñola yeo, kakuli ya kona kuswanela.”

Linako zeñata lu ezanga cwalo. Na lemuha, buñata bwa mina mo, muna ni pampili. Mi mukutazi ha bulela sika, mi kipeto uba—uba u fita fa mayemo ao, sesiñwi sa ku nata. Mi cwale haiba Moya o Kenile u sweli kueza cwalo, mi kipeto u kala kuyaha fa sibaka sani, ki liñusa la Mulena. Mi iba ze lukile. Ni lemuhele mwa mikopano, kaufela ko uya, ki bakutazi fela ni batu bañola litaba. Yeo ki niti. Lu—lu teñi mo, kona ze lubezi teñi kulo mo, ki kulika kutusana mañi ni mañi mwa misipili ye.

³³ Mi cwale ha lu si kuluheñi kwa Sinulo, kauhanyo ya 3, kwa masika a likeleke, ku kutela lusika lwa keleke. Kono cwale luna ba . . . luna . . . fani. Eehe. Nakona kunga timana iliñwi ye, mi ka Moya o Kenile, ni kutaze ku Yona fa myaha ye mwanda kanti mane ni ka palelwa neba kufumana ze li ku Yona. Kakuli, mwa timana ye, sina litimana zeñwi kaufela za Bibeke, kaufela li tamahani kamoho.

Mi Ni bata kunga tuto ya ka, kakusasana wo, ya kuli: *Ni Ka Tula Cwañi?* Cwale, Ni ketile yecwana kakuli Ni nahana kuli se li nako ye lu sa lukeli kutuhelela Moya wa ancafazo ku shwa. Lu swanela kubuluka ancafazo, ka tundamo inze i ezahala, zazi ni

zazi. Paulusi na bulezi kuli na “shwa zazi ni zazi, kuli Kreste apile.” Mi ha lu swaneli kutuhela kuli ancafazo yani i shwe, mwahali ku luna.

Cwale, Sinulo, kauhanyo ya 3, mi kukala ka timana ya 21, lu bala sina cwana.

Ya tula Ni ka mufa kuina ni na mwa lubona lwa ka, sina Na. . . ha ni tuzi, mi ni inzi ni Ndate mwa lubona lwa hae.

Ya na ni lizebe a utwe seo Moya u si bulelela likeleke.

³⁴ Kikuli mu lemuhiye mu—mu muinelo wa seo? Mwabona? “Aine ni Na *mwa* lubona lwa Ka,” isiñi “*fa* lubona lwa Ka.” “*Mwa* lubona lwa Ka,” mwani ki mwa sibaka sa hae. Mwabona? Mi fani, sina—sina Kreste ha li Mubusi, Mubusi wa lubona ka nako ye, ya sibaka se si kateleha sa Mulimu, kona mo i ka bela Keleke ni Yena, Munyaliwa ukaba ni Yena, mwa lubona lwa Hae, mwa sibaka ka kutala. Mwabona? Isiñi “*fa* lubona lwa Ka,” kono “*mwa* lubona lwa Ka,” mwabona, ko kufita sibaka sa Hae. Lubona lu fumaneha mwa sibaka, mi—mi sibaka si fita kwahule kaufela ko ku fita milulwani ya sona. Mi se si zwa kwa Kuyakuile kuliba kwa Kuyakuile. Mu nahane fela zaten!

³⁵ Cwale, halunze lu bala litaba ze, libaka la ka ka se ha ki kutaha fela kwanu kuto—kuto kopana ni mina sicaba. Zeo mane, Na lata kueza cwalo. Kono haiba—haiba Ni kona kuba ni kolo ya kueza cwalo, Ne ni ka taha kwa lapa la mina, ni ku to itumelisa mwa mazoho ni mina ni kuambola ni mina, ni kuina fafasi, kuca mulalelo ni mina; ni kuina fafasi, mwatasi a kota ya muluti, ni kuikambota ni kuba ni kutwano fa nako nyana.

Kono ha lu taha kwanu, lu na ni mulelo ulimuñwi o tikwahala. Ye ki ndu ya sikuluho. Lo ki luona. Lo ki lubona lwa Mulimu, mi katulo i ezahalela mwa ndu ya Mulimu. Mi kwanu kona ko lutaha hamoho, lwa kopana mwa lilato, ni yomuñwi ni yomuñwi, haibile ki Bakreste fela baba kona kulata. Kono, mwahali mo, lu mwa—lu mwatasa a—a—a—a zamaiso ya Moya o Kenile. Moya o Kenile u mwahala luna. Mi luteni mo kuli lube. . . kuli lu tusehe mwahala luna, kubona fo kuna ni libaka ze fokola, mafosisa a luna, ni mo lukona ku swalela kuzwa fo lu swanela kuba, kuya kwa neku le lu swanela kuba kulona cwale; fo luinzi, ni fo lu swanela kuba. Mi seo kona se lubala. Bakutazi ba balanga libaka zeo, kwa sicaba sa bona. Ha ba bona sicaba, baba tokwile, kipeto ba kalela ona foo.

³⁶ Cwale, cwanoñu, Ni nahana kuli keleke mwendi i swanela kunga muhato o pahami nyana ka nako yee. Ha ni sepi kueza cwalo kakusasana woo, ka kubonisa lika zee. Kono Na—Na sepa, kapili fa, Mulena ha lata, lu si ka kutaza kale fa Litolombita zani, Ni bata ku—ku—ku tiseza Keleke nto yeñwi fela yeo—yeo mulukela kuziba, ye Ni lumela kuyona, cwale.

37 Mi cwale lu ambola fa taba ye ya, “kutula.” Linzwi lelili *kutula*, eni sha, mwa ziba se li talusa. U lukela kuba ni sa ku tula. Mi lusika lwa keleke ye mo Moya o Kenile no bulela ze fa, kwa Lusika lwa Keleke ya Laodesia, sina ha lu ma no feza feela zateni, ne lutokwa kalimelo. Laodesia nana ni ku kalimelwa, bakeñisa mubonelo o shutana wa—wa hae kuama Kreste. Ne le kashelize Kreste fande, mwa—mwa lusika lwa bona. Mi Kreste na li fande, inza lika ku kena mwahali. Leo ki lilato. Kasamulaho Amano lelekwa kuzwa mwa ndu ya Hae Tota, na lika kukutela mwahali, mi ali, “Ya ka kwalula sikwalo, Ni ka kena mwahali ku yena.” Mwabona? Keleke kasibili, luli, ka kutala, ne i Mu lelekezi fande.

38 Kono cwale mulemuhe. Pizo ya hae fa ha ki kuikopanya kwa keleke. “Yena ya tula.” Mwabona? Isiñi keleke; yeo kambe ne i ka ba kuli musali, mwabona, mubili wa keleke. Kono ki “ya tula,” mutu a nosi ya ka tula, cwale.

39 Mi Laodesia nana ni ze ne taha kuyena. Cwale mwa bona, he, ka kuziba kuli lo ki Lusika lwa Laodesia, ni kuziba kuli lusika lo lutokwa kalimelo ye buhali kuzwa ku Mulimu. Lu tokwa kalimelo ye buhali. Mi cwale bakutazi ba luna ba za bulapeli ha se ba bile bunolo hahulu ni kufokola, inge muuna muhulu yomuñwi ya cembalile hahulu kwa bailu ba hae, kaufela sa eza si lukile. Mi uba ya . . .

40 Se li bulezwi hahulu, kuli Mulimu ki Mulimu yomunde hahulu, kufitela balika kueza Mulimu kuba inge kuku yomuñwi feela wa mucembele muumbulu. Mwa bona? Kono Ha yo cwalo. Yena ki Ndate, mi ki Ndate wa kuluka, wa sikululo. Mi lilato nako kaufela la sikulula. Mwabona? Lilato la sikulula. Hakuna taba kamba li holofaza cwani, ni teñi li sa sikulula.

Me wa niti u ka sikulula bana ba hae. Ndate wa niti u ka sikulula bana ba hae. Mwabona? Haiba u ba fela ya bunolo ni ya fokola, ni kutuhelela lika . . .

41 Ne ni sweli kusilisa sishingwa zazi leliñwi, neli kwa—kwa nuka, kamba ko ku bizwa kuli liñope. Mi Na tulela fa sishingwa se. Fa nde, ne si bonahala fela hande, ne si bonahala se si tuna inge sishingwa sa mulombe sa kale. Kono ha Ni tulela fateni, oh, siemba tuna sa sona sa ketuha kwateni. Ne si bolile luli mane kuba fela bunolonolo. Na li, “Kona Bakreste mo ba sweli kubela cwale.” Ba shwile kale mwa sibi ni lifoso, kale kale koo, kufitela baba feela bunolo. Ha basana bukiti mane, ni hanyinyani. Haba—haba zibi kuli kutula kutalusa sikamañi. Mi se Ni kala kunahana za palo ye, ona foo. Kutula, kubeya bupilo ku wena. Bupilo ha ne buzwire, kona se ne si tiselize sishingwa sani kuba mwa buino bwani. Mwabona? Mi sa to ba bumaswe luli kufita ha ne si sa li mwa mutai wa kota mo ne kufita mezi.

42 Mi cwale, mwani, munga Mukreste ya swanela kuba Mukreste, mutuhele Bupilo bwa Mulimu buzwe ku yena, ni

kutwisiso, tabo ya kusebeleza Kreste; ni, kupila mwa kekeke mo ku ezahala lika zecwalo, uka bola habeli kapili, ona fo, inza sa pila mwatasi a zeo.

⁴³ Kacwalo, haiba lu lika kulatelela Liñusa la nako ye, kamba mbweshwa kalulo ye kwateni ya Liñusa, lu swanela kupila ka tundamo mwa Bupilo bwa Kreste. Mwabona? Kakuli, haiba ha ku bi cwalo, uka ina ni kuziba kuli lika zo lukela kueza ki ze, mbo ha u li ezi, Bibebe ibulezi kuli, “Ya ziba kueza bunde, mi ha bu ezi, ku yena ki sibi.” Kipeto u ba ya fokola, ya bolile, ha u kauhani kwa Bupilo bwa Mulimu. Kacwalo, u ikataze ku ze li kuwena kaufela, kuina mwa Bupilo bwa Kreste, kuli ukone kubeya miselo.

⁴⁴ Lubona lusika mo lupila moo. Ki loluñwi lwa masika amande hahulu kufitisisa hala masika kamukana. Lusika lwa Keleke ya Laodesia kona lo lunde hahulu kwa masika a likeleke kaufela, kakuli ki kufela kwa nako ni kukena mwa Kuyakuile. Mi, hape, ki lusika lo lutezi sibi hahulu. Kuna ni sibi hahulu mwa lusika loo kufita mo ku kile kwa bela fateni. Mi mata a Satani ona—ona atata hahulu kulwanisa kufita mo ne kuinezi mwa lusika lufi kaufela. Mwabona?

⁴⁵ Kwanu, kwa mulaho mwa masika akale koo, Mukreste nakona kuba, ka buipuleli bwa hae bwa kuba keleke. . . ka kuba wa Kreste, na ka pumiwa toho ka zeo. Na ka bulaiwa, ni ku zwiswa mwa butata bwa hae, ni ku yo katanyeza Mulimu, kapili.

Kono cwale sila u tile mwateni, ka libizo la keleke, mi una ni bupumi maswe. Lo ki lusika lolutuna hahulu mwa bupumi. Kanti, Kreste nabulezi kuli, “Mioya yemibeli ikaba hahulu bukaufi mwa mazazi a maungulo kufitela ika puma ni bona Baketwa haiba kinto ye konahala.” Mwabona? Mwabona? Mwabona? Muhupule, Kreste na bulezi za sicaba sa mwa lizazi la maungulo. Mwabona? “U ka puma ni bona Baketwa haiba kinto ye konahala.” Fakaufi luli! Sicaba si pila hahulu cwalo, sicaba sa kona kupila ka kukena, bupilo bo bukenile; kusina kuba mwa sibi, liozwa, ni bondalabangwana, ni mahata, ni balauli ka za kupeca. Bakona kupila fahalimwa zeo, kono niteñi ha ba yo ni Lona.

⁴⁶ Lo ki—ki lusika lwa Bupilo, Bupilo bwa mutu anosi bwa Kreste, koo, sibupeho—sibupeho sa Mubili wa Hae, se ne sili ku Yena.

Pili, mwatasa kubeiwa baba lukile, kolobezo ya mezi. Sabubeli, mwatasa Kupepwa sinca, ka Wesley, kukeniswa, ili ko ku kenisa. Mi sa bulalu, mwatasa kolobezo ya Moya o Kenile, kubeya sibyana se si kenisizwe sani mwa sebelezo. Mwabona? Linzwi lelili *kukeniswa* litalusa, ki linzwi la Sigerike lelina ni litaluso zepeli le li talusa kuli “kukeniswa ni kubeiwa kwa tuko bakeñisa sebelezo,” kubeiwa kwa tuko bakeñisa sebelezo. Cwale Moya o Kenile ubeya zeo mwa sebelezo. Mwabona?

47 Mi lu ka lemuha, “Haiba moya o masila uzwile ku mutu, uka zamaya mwa libaka ze omile.” Ona seo kona se i ezize keleke, ba Baptist, ba Methodist, bona baba lumela mwa ku keniswa. “Mi,” Jesu naize, “moya o masila o no zwile, u kutela mwa mubili wa keleke ye ni kufumana kuli ndi i itanyezwi, i fiyezwi ikenile, kupiliwa ka kukena, bupilo bo bu kenile.” Ku lukile. “Kono he haiba ndu yani ha i si ka ba ni sika, se sipila mwatani, kipeto u ka taha mwatani ni mioya yeñwi ya madimona a maswe a sebene abuhali kufita yona pili, mi mafelelezo a sibaka se aba a maswe ha sebene kufita mo ne ainezi ka nako ya pili.” Ne ku kaba hande kuli bainelele bali ba Lutheran, kufita ku amuhela Liseli ni kupalelwa ku Li latelela. Ni bona Mapentekota bacwalo, mwabona, mwa ziba se Ni talusa, ndu i tanyelizwe.

48 Sina hane Ni ambola ni yomuñwi, zazi leliñwi, ali, “Ki batu baba tokomela hahulu, mane neba buñata bwa likwata za ba kukena, isiñi kubiza Moya o Kenile kuli ‘Moya o Kenile,’ kakuli ba itbahaza ili bona ni Bapentekota ha ba eza cwalo. Ba li, ‘Moya o Kenile,’ mwabona, ba saba kubulela kuli ‘Moya o Kenile.’” Kakuli ba Pentekota, ba fela fela, ba U biza fela mo i bulelela Bibeles, “Moya o Kenile.” Zeo, mane Holy Spirit ni Holy Ghost ki nto yeswana. Kono ba tokomela hahulu ka zona. Ha ba lati ku zibahala kuli ki ba siemba sa batu baba bulele ka malimi; mi ona wani kona Moya o Kenile, Kasibili. Mwabona?

Ki sikamañi sene si ezahalile cwale? Fani sila, sene siile mwatasa kukeniswa, sene si tapisizwe, sa yo kuta ni kufumana kuli ndu ha i si ka tazwa ka Moya o Kenile, cwale buino bwa keleke bu tamahani ni—hamoho ni katengo ka likeleke, hamoho ni Katengo ka Likeleke za Lifasi. Mi ki buino cwale bo bu tamahani ni Bukatolika bwa Buroma ni zesiyezi zatani kaufela, mi cwale se li ka linako ze sebene kufita mo ne i zwezi mwa zamaiso bu Luthernism. Foo kona fa bufitisize mutu.

49 Mi cwale mutalime Lusika lwa Keleke ya Laodesia kasamulaho imano amuhela Moya o Kenile, mi ka zibo ni Moya wa Mulimu mwahala Ona, mi kipeto misebezi wa Mulimu ya haniwa ka lona, ni ku ibiza kuli “musebezi o maswe.” Mi kucwani ka zeo? Fani kona foo Kreste a kashelizwe fande a keleke ya Hae Tota. Mwabona? Yena. . . Ne i si ka Mubonisa mwa keleke kufitela litaha mwa Laodesia; mi cwale Ha yo fita fa Laodesia, Na sa lelekezwi kwande a keleke ya Hae, ulika kukutela mwahali.

50 Cwale, mubone, kubeiwa ka kuluka ne ku si ka Mubeya mwatani. Kukeniswa ne ku Mu baakanyelize fela sibaka. Kono cwale kolobezo ya Moya o Kenile ha i taha, ya Mu beya mwa sicaba. Mi cwale ba mu kasheza fande, nako Ya kala ku Iponahaza, kuli Wa swana maabani, kacenu, ni kuyakuile. Ba Mu fetuhela kakuli ba hatelezi, mi ni—ni Moya wa Mulena ha u lumelelani ni kopano ya bona. Mwa utwisisa cwale? Kuli, ba Mu

kashelize fande. “Halu lati kuba ni sa kueza ni munuhi yoo. Ki—ki wa diabulosi. Ki kunuha. Kamba . . .” Mwabona?

Ha ba utwisisi. “Meeto, kono ha ba boni; lizebe, mi ba palelwa ku utwa.” Mwabona? Mulimu fela u apulanga meeto kuya ka Mwa latela. “U tatafalisa yo Alata ku tatafalisa, Yo alata kueza cwalo, mi—mi—mi ufa Bupilo ku bao Alata bu fa bona.” Kona sa bulezi Mañolo.

⁵¹ Cwale, lu bona lihola zelupila kuzona, mwa sibaka se, mi lubona sene lili zona. Mi Moya o Kenile u omanyana lusika lo ne lu Mu lelekile. Kono, ku zeo kaufela, kikuli mu lemuhihle, “Ki ku ya tula”? Neba mwa lusika lo lumaswe lwa bulifasi lwani, “Yena ya tula.”

⁵² Lufumana fa kuli Mulimu ubile abanga ni batuli. Ubile ni batuli mwa lusika kaufela. Kubile kamita kuli, nako kaufela, mwa lusika kaufela lo lukile lwa ba mwa lifasi, Mulimu ubile ni mutu yo Akona ku beya mazoho, sina paki mwa lifasi. Ha si kaba fateni asina paki, neke inge fokuñwi ibanga fela alimuñwi. Kono kuna ni yana ni kutula, cwale, sina balumeli ba kale.

⁵³ Mi mu—mu muuna yomunde luli, munituti, na bulela, ka za *Maswayo A Supa*, mi ali, “Muzwale Branham, wena ka kuba mu—mu muñoli, muswanisisi, ni taluse,” ali, “uka kona cwani kuisa Keleke yani mwa Kungelwa kusina nako ya Nyandiso ya balumeli, ka mufuta o cwalo?” A li . . .

Mwa bona, haiba ki mufuta, ku lukela kuba ni . . . kuswanezi kuba . . . Haiba kuna ni se si lwanisa mufuta, kuswanela kuba mufuta wa sika se si lwanisa seo kuli utahe uzwe ku sona. Mi lika kaufela ze Ni bulela, ze li za niti, lina ni mufuta. Lina ni mufuta. U ba ni muluti. Mi Bibeke iize, “Lika za kale neli muluti wa zenca ze ne na ni kutaha.”

Ki hali, “Kono cwale u ngile Tesamente ya Kale kuba muluti. Cwale,” ki hali, “u ka eza sikamañi ni Keleke ye?”

⁵⁴ Muuna yo uzwa kwa . . . Muuna ya kutekeha, muluti yomutuna ya li mulikana ka luli, muuna yomunde, mi ki muzwale ya latwa. Ha—Ha ni koni kubulela linzwi la kunyaza muzwale yani. Hani koni, mane. Kakuba—kakuba mu . . . Kakuna Mukreste, hakuna se Ni kona kubulela ku mu lwanisa. Ha—ha—ha lumelelani ni na fa tuto iliñwi yani, kono ki—ki muzwale waka yomunde. Lwa ca hamoho. Mi, oh, ki mutu yomunde fela. Ni ngile mutende wa hae, kubala likalulo ze. Mi u ñolanga ze ni ama, ni zeñwi cwalo. Mi Ni nai mañolo amañata azwa mwa ao Ni—ni balile—balile a litaba za hae, ku mu utwa a bulela. Yena ki muuna yomutuna, kono yena—yena hakoni ku lumelelana ni na. Na itumela ka zeo, ka busepahali bwa hae. Niha sa ezi cwalo, alimuñwi wa baba sundululwa fela ba, ya lumela fela sika kaufela so bulela. Una ni buikolwisiso bwa hae, mi u yemela ona zeo. Na itumela ka sona. Mi ki muuna yomunde.

Oh, ha Ni—Ni muluti kamba munituti, ni hanyinyani, kono muuna yo yena kwateni ki muluti ni munituti.

⁵⁵ Kono Ha—Ha ni koni ku lumelelana ni yena, kakuli Ha ni li boni. Kono, ha li weli kwa neku la puluso, li wela kwa neku la Kutaha kwa Mulena. U bona kuli Keleke ina ni kufita mwa nako ya Nyandiso, kuli i keniswe. Ni li Mali a Jesu Krete a kenisize Keleke. Mwabona? Ha i tokwi kuba. . .

Ni lumela kuli keleke i ka fita mwa nako ya Nyandiso, katenfo ka keleke, kono isiñi Munyaliwa yena nyaa. Kikuli uka keta musali yo no kenisize u si ka mu nyala kale? Mwabona? Munyawa wa Krete u ketilwe, mi Wa ketwa. Mi Yo ki Munyaliwa wa Mulimu, Munyaliwa wa Jesu Krete.

⁵⁶ Mi cwale ki hali, “U ka swanisisa cwani seo, haiba Munyaliwa yani uya cwalo, uya A sika ngelwa kale mwa nako ya Nyandiso ya balumeli?” Ali, “Nina ni Liñolo le li mi bonisa kuli Keleke i mwa nako ya Nyandiso.”

Na li, “Aku bale fela Liswayo la Busilezi, ku felile, i mwatasi a nako ya Nyandiso. Kono mufuma ze, kusika ezahala kale seo, Munyaliwa u kabe aile ka nako yeo. Mwabona? U mwa Kanya ka nako yeo. Ha na za kukeniswa kuzona.” Mwabona?

“Ya lumela ku Na una ni Bupilo bo bu safeli, mi ha tahi mwa ku atuliwa kamba mwa Katulo, kono u sa zwile mwa lifu u keni mwa Bupilo.” Krete na file sepiso ya kuli haluna ku neba ku yo yema mwa Katulo. Kacwalo U ngile sibaka sa ka ka tukuluho luli, kufitela Ni ba ya lukuluhile luli kufelelela. Ha Ni swalezwi, Ni swalezwi. Kanti Ukona ku ni zwisa cwani mwa benkele mo ku lekiswa ze cipile, ni filwe ni risiti, haiba. . . Kana Ukona kuba cwani Muliululi wa ka, ni ku ni zwisa mwa benkele ye lekisa zeo, kanti mulekisi ubulela kuli Ni sa li wa hae? Ni na ni risiti ye ñozwi, amen, ye ñozwi ka Mali a Jesu Krete. Mwabona? Cwale, ku zani, fa kona fo lu taha.

Ki hali, “Cwale, ukaba cwani ube, ku kauhanya Munyaliwa ya ketilwe yani yo bulela za hae cwale, u ka beya cwani Seo mwatasi a mufuta fela?”

⁵⁷ Na li, “Ki hande.” Na li, “Ki cwana. Cwale, mwa Mateu, kauhanyo ya 27 ni timana ya 51.” Haiba luba. . .

Ha luboneñi fela ni i bale, mi kona luka—luka ba ni yona hande. Mi lufumane haiba neli mufuta kamba nee, haiba neli Munyaliwa ya ketilwe. Mateu, kauhanyo ya 27 ni mi—ni timana ya 51. Ku lukile. Lu bala cwana, fa kutakiswa kwa Mulena luna.

*Mi, amubone, lisila la mwa tempele la pazuha fahali
ku kala kwa halimu kuisa kwatasi; . . .*

⁵⁸ Cwale, wani neli mulao. Mulao no felezi ona fani. Kakuli, lisila ne li tibela kopano kwa litaba ze kenile za Mulimu. Konji fela muprisita ya tozizwe ki yena ya na kena mwahali mwani, mi, sani, hañwi ka mwaha. Mwahupula? Cwale, Mulimu, ka lizoho

la Hae Tota, mulemuhe, “kuzwa kwahalimu kuisa kwatasi,” isiñi kuzwa kwatasi kuisa kwahalimu. Ki butelele bo bu likana ni liñokolwa ze mashumi amane mwahalimu. Mulemuhe, isiñi kuzwa kwatasi kuisa kwahalimu, kono “kuzwa kwahalimu kuisa kwatasi,” kubonisa kuli ne li ezizwe ki Mulimu. Apazula lisila mwa liemba zepeli, mane, nihaike nge, mutu kaufela, ya lata kaufela, akone kutaha mi a ce kwa kukena kwa Hae. Mwabona? Ku lukile.

. . .kuzwa kwahalimu kuisa kwatasi; mi lifasi la zikinyeha, macwe a pazuha;

Mi mabita a atamiswa; mi litupu za ba bañwi ba ba kenile, ba ba ne ba shwile za zuha,

Ba zwa mwa mabita Jesu ha sa zuhile, . . .mi ba kena mwa munzi o kenile, ba itahisa ku ba bañata.

⁵⁹ Ki yani Muketwa wateni, yena Munyaliwa. Ha ki likeleke kaufela za Majuda ze taha ka nako yani. Kaufela bona ne ba ezize sitabelo se siswana. Kaufela bona nebali mwata sa mali a suluhile a ngunyana. Kono ne ku na ni Sikwata se si ketilwe; mi Sikwata se si ketilwe sani, mukiti wani u sa taha fela, ba ba ne ba lumela ku Ona ka busepahali. Cwale Ni taha kwa linzwi lelili *kutula*. Cwale mutokomele seo. Bona ba bane ba komile ba, ka swanelo ba eza litabelo zeswana ze ne ba eza babañwi babona kaufela, kono, ka busepahali, kutula lika za lifasi. Ka nako yeo swalelo ha i to ezezwa bona ka swanelo, ne bali mwa paradaisi kufitela ka sib- . . .nako yani. Nako yani ha i to eziwa, ne se ba tulile mi ne ba ipumulela, ne ba lobezi; mwabona, “mibili yemiñata ya ba ba ne ba lobezi mwa liluli,” mwabona, kuloba.

⁶⁰ Cwale, kambe luna ni nako, ne luka kuta ku Daniele, fani, Daniele, yena muketwa yani ya na tuzi. Mi ha Na ize, “Kwala Buka, Daniele, kakuli u ka pumula mwa sibaka sa hao. Kono cwale Nduna ha ka taha, ya ka yemela sicaba, u ka yo yema mwa sibaka seo.” Ki se fa. Daniele, yena mupolofita wa Mulimu yo, na boni nako ya mafelelezo ha itaha. Mi ki Ha li, “Daniele, u ka yo yema mwa sibaka sa hao ka lizazi lani.” Mi ki yo nali fa, a taha; isiñi Isilaele kaufela, kono mufuta wa Munyaliwa wa Isilaele. Cwale, babañwi ba Isilaele habana kuzuha mwa zuho ya batu kaufela.

⁶¹ Mi cwale, kwa Kutaha kwa Mulena Jesu, bani ba ba lata luli Kutaha kwa Hae, baba pilela kona; nako Ya ka bonahala mwa mbyumbyulu, Keleke ye shwile ku Krete i ka zuha, mi bani ba ka cinciwa mwa nako nyana. Babañwi ba ba siyezi habana kuziba zeñwi zateñi. Muhupule, “Ba bonahala kubona mwa munzi.” Mwabona? Ku—ku—ku Kungelwa ku kaba ona cwalo. Lu ka yo bonana, mi lu ka ba bona. Babañwi ba lifasi habana ku ba bona. Ikaba ku ngelwa kufunduka ko ku sa zibwi. Ni libelezi nako yani!

Mi ni kukuta mwa lifasi kwa Mileniamu ye kanya yani, mi kutahe myaha ye wani sauzande . . . “Bafu babañwi ha ba si ka pila konji kasamalaho wa myaha ye lule.”

⁶² Mi kona kuka taha zuho ya batu kaufela, koo, Isilaele kamukana . . . Mi hape, mutalime fa, baapositola ba twelufu, bapatriareka baba twelufu, kaufela ba yemezwi. Mi ha lu si ka fita kuzeo pili. Mwendu, haiba Mulena alata, lu ka fita kuzona mwa Testamente, kuli mane mamota a jaspera ani, ni macwe a twelufu, minyako ye twelufu, mitomo ye twelufu, kaufela zani li na ni ze liyemela. Ki ba fa bainzi fa mabona a twelufu, balumiwa ba mangelo a mazazi ani, kuli ba atule baba hanile liñusa la bona. Amen. Ku kata yona hola yesabisa yani. Eeh.

⁶³ Ha ki lizazi li leo, ha ki nako ni yeo ye lupila kuyona! Mo lu swanela kuitatuba, Keleke. Cwale lu bulela ka litaba zetaha ze, ze ka taha. Cwale, kacenu, ha lu kuteleñi kwa mulaho kwanu ni kubona, lu itatube ili luna lubone haiba lu sa yemi mwa Tumelo.

⁶⁴ Cwale ha lu buleleñi fa batuli ba balikani ka mizuzu yenyinyani, mwa mazazi a nako ya Nuwe, yene swanisizwe ki Jesu Krete, ye kaba sina kacenu.

Ne ni lukela kuba ni mizuzu ye lishumi. Cwale Ni kaba fela ni licika la hola. Kona Ni sa zo kalisa fela, likepe la pili. Ni ka tula zelikani za zona, haiba Ni kona, ni kunga zeo . . .

⁶⁵ Mwa nako ya Nuwe, ki mufuta wa kacenu: Jesu na swanizize ku yona, mi ali, “Mo ne kuinezi ka nako ya Nuwe, kona mo ku ka bela ni fa Kutaha kwa Mwana mutu. Mwa nako ya Nuwe, ki mo ku ka bela ni fa Kutaha kwa Mwana mutu.” Mulemuhe, nekuna ni lifasi lani kaufela la muunda, mwendi neli ma milioni a batu, ne ku na ni bakomi ba ketalizoho ka babalalu. Batu ba ketalizoho ka babalalu ba tula, bani neli bona sakata, batuli tenyene. Nekuna ni bana babalalu ba bashimani ba Nuwe ni basali babona, ni Nuwe ni musala hae. Baketalizoho ka babalalu batula, bene ba keni mwa areka ka nako ye swanela. Ne baezize cwani zeo? Ne ba teeelize kwa Linzwi la Mulimu. Ne ba si ka swaseza kwande a sikwalo. Ne ba fumanehile mwahali a sikwalo.

⁶⁶ Oh, balikani baba lateha, musike mwa tuhela kuli sikwalo sani si kwaliwe. Jesu naize, “Mo ne kuinezi mwa lizazi lani, kona mo ku ka bela ni fa Kutaha kwa Mwana mutu.” (Ni itumezi, muzwale.) “Kona mo ku ka bela ni fa Kutaha kwa Mwana mutu.” Cwale, kuna ni ya ka fumaneha kuli u siyezi fande a sikwalo sani.

Buñata bwa bona bakona kuba ni maikuto amande, mi, “Zazi leliñwi, haiba lika zecwalo liezahala, lu ka yo kena ni Muzwale Nuwe, kakuli ki mulikani yomunde.” Kono, mwa bona, ne i lwezi fela ba eiti mwahali.

⁶⁷ Cwale, aku nahane ka tata cwale. Haiba u sweli fela kuitobalela fo fumana kaufela, kuba ya bunolo, kena. Akufa, kapili, kakuli sikwalo sakona ku kwala ka nako kaufela.

⁶⁸ Mi kamita kuna ni areka mwa mubuso wa Mulimu. Nekuna ni areka mwa mazazi a Nuwe, ye ne lukela kupilisa sicaba sa Hae. Nekuna ni areka mwa mazazia mulao, areka ya bupaki. Mwa mazazi a mulao, ne ba latelela areka.

Mi kuna ni nako ya kalulo ya bulalu cwale; sina nako ya Nuwe, nako ya Lota, mi cwale seli nako ya cwale ye. Kuna ni areka cwale. Mi areka yani ha ki kopano, kamba neba kuba misebezi yeminde yo eza. Ki “ka Moya ulimuñwi,” Maroma 8:1, “lu kolobelizwe kaufela luna mwa Mubili ulimuñwi, mwa sibaka sa Mubuso wani, kolobezo iliñwi ya Moya.” Hakuna yaba ka bunde, kamba bumaswe, kaufela seo, u mwa Mubuso wani ka—ka kolobezo ya Moya o Kenile. Mwabona? Yeo kona nzila inosi ukona kutula ka yona. Ki bona kaufela babali mwatasi a Mali a suluhile kona batuli, kakuli haukoni kutula, wena kasibili. Ki Yena ya ku tulela kwateni. Wena wa pumula.

⁶⁹ “Ni ka ziba cwani he, Muzwale Branham, kuli Ni mwateni Mwani?” U tokomele mufuta wa bupilo bo pila. Talima fela kwa ni kwa. Ubone haiba bu ipilela fela ku wena, ka bunolo fela. Kamba, kikuli una ni kuikataza ni kusundulula, mwabona, kipeto ki wena yasweli kueza cwalo. Kono usike wa lika kueza cwalo. Kikuli ukile wa lika fateni? Ehe. Usike.

⁷⁰ Kuswana sina kubeya lizoho la mbututu mwa lizoho la sapalo, mwa bona. Uka fumaneha fela kwahalimu, fafasi, kai ni kai, ni lika zeñwi kaufela. Mwabona? Hakoni ku kwana. “Tina koti ya hao, mulatiwa.” Hakoni kukwanisa. Kazoho ki kakanyinyani mwahalimu, fafasi, kwa ni kwa. Si lwala lizoho la hao le li kona lika.

Oh, mo Ni bezi ya tabile, Ni kona fela kutambeka lizoho la ka ku Ndate, nili, “Mulena Jesu, Hanikoni ku kena Mwateni. Wena u ni tuse. Beya sapalo se ku na.” Ni tuhezi kulika-lika. Ni Mu tuhelelela fela kuli aeze. Mwabona?

⁷¹ Haiba mbututu yomunyinyani uswalelela kulika lika, “Oh, Na kona kuitinisa. Na kona kuitinisa.” Mi u fumaneha fela kai ni kai. Hakoni kuitinisa.

Mane neba wena haukoni, ni na ha Ni koni, kono haiba lu ka swalelela fela ku Yena kuli ali eze. Ki kuipeya felaku Yena, “Kifo, Mulena, ki Na yo. Fela—fela tuhela ni si ke naeza sika. Na—Na i peya. Wena u ni tinise lizoho mwa sibaka se si swanela.” Yeo kona tulo. Koo kona kutula.

⁷² Taba yo lukela kutula ki wena muñi, muhupulo wa hao, nto ya hao, ni kuipa ili wena ku Yena. Uku tulezi kwateni. Wa ziba nzila; luna ha lu zibi.

⁷³ Kono mwa nako nako ya Nuwe nekuna ni batuli ba eiti, mi kona bene bakeni mwateni. Ne ba swasehile mwahali.

Cwale amu talime, balikani. Ni sepa basweli batepiña se. Mi haiba ki fa televishini, kamba isiñi tel- . . . mu ni swalele, fa tepu. Kaufela so eza, yasweli kuteeleza cwale, kamba ya ka teeleza kasamulaho, nako se i felile luli, mi una ni milelo yeminde, kono uswanela kukena mwahali. Cwale, usike wa ikataza. “Ha ki ya itakaleza, kamba yena ya mata, kono Mulimu.” Aku tuhelele Mulimu fela. Ipeye fela ili wena ku Yena ni kuzamaya ona cwalo, ka tumelo ye tezi hande, kuli, “Sa sepisize Mulimu Wa kona ku si peta.” Isiñi ku ikopanya kwa kopano yeñwi, kopano yeñwi cwalo, kueza se, *sani*, kamba *sesiñwi*, kulika se. Ipeye fela ili wena ku Mulimu, ni kuzamaya ni Yena, mwa kozo, ka bunolo, kusina ku katazaha. Zwelapili fela kuzamaya ni Yena. Yeo kona niti.

⁷⁴ Kona sene Ni bulelezi muzwale waluna yana bile ni—ni kozi. Mwabona? “Ipeye fela ku Yena. Uteni mo, Yena Ya ziba so ezize, ni se si tisize kuli ueze zeo ni kueza ka nzila *ye*, ni zeo kaufela. Wa ziba za hao kaufela, mi cwale U ku bulelezi fela sa kueza. Cwale,” Na li, “Taba feela yo lukela kueza ki kueza fela. Fo kikuli, libala za kale kaufela, u zamaye, pilela nako ye sa taha, mwa Kanya ni Pata ya Mulimu.”

Batuli ba ketalizoho ka babalalu.

⁷⁵ Mwa mazazi a nako ya Daniele, nekuna ni batuli babane be ne ba yemezi muliko wa mulilo ni tau.

Cwale, lu kulubela kulikiwa. Yeo ki tuto yende ku mu—mu muzwale waka kwa mulaho kwani, hape. “Ya taha ku Mulimu u swanezi kulikiwa pili.” Kulikiwa (sikamañi?) ka Linzwi. Yeo kona tatubo ya Mulimu. Kana mwa lumela cwalo? “Ya taha ku Mulimu u swanezi ku likiwa.” Seo si bonisa fela mwana wa niti wa Mulimu, mi, mwabona, u likiwe. Mi cwale muliko ha u taha . . . Haukoni ku tula kwanda kuli kuna ni mulikpoo o filwe ku wena. Mi cwale tatubo ha se i filwe, ki kubona haiba wakona kutula kamba nee. Mi Jesu naize, “Ku ya tula,” ki tatubo. Tatubo kona nto yetuna hahulu ku ze kile za ezahala kuwena fateni. Ni lumela ku ñozwi mwa Mañolo, Pitrosi wa bulela, uli, “Miliko yaluna ya lu swanela kufita gauda ye nde.” Ki nako ya kulikiwa. Ki bupaki bobunde ku luna kuli Mulimu una ni luna, ha lu likiwa, kakuli bana ba Mulimu kaufela ba tatubiwa ni ku likiwa.

⁷⁶ Mi Daniele, mutu, mupolofita; Shadrecki; Misheki; ni Abedinego; Daniele neli mupolofita; mi yeo neli yona tikanyo ya Keleke mwa lizazi lani, Ni talusa Munyaliwa. Kuna ni likeleke zeñata, mwendi ze likana tu milioni ne liile kwani. Kono nekuna ni . . . Yani neli tikanyo ya mutuli. Mi cwale batuli bani ba tatubiwa. Mi mutuli kaufela una ni kubeiwa mwa tatubo. Mi ba mano bulela kuli, “Mu nge se li bulela Linzwi, kamba mwa nepelwa mwa liyekuyeku la mulilo,” ba hana sika kaufela kwanda Linzwi.

⁷⁷ Mi cwale Daniele ha fiwa tatubo, kuli ange se ne li bulela Linzwi, kuli baswanela ku yendamena kwa tempele, sina Solomoni ha na lapezi, mi Na ka ba lamulela kwa lika kamukana, Mulimu na ka utwa ali kwa Lihalimu haiba ne ba ka talima kwa tempele ni ku lapela, mi bali, “Haiba mutu a lapela ka mazazi atomilwe aa, mi luna lu ma Medo-Persia, ya ka cinca kamba kufutula milao yaluna, mutu yo uka nepelwa mwa musima wa litau,” ba mu teela katwa, yena, Ni lumela kuli mupolofita yani na zibile cwalo, kono ne ba mu beezi katwa, a zamaya ka buishuwi, nako ya hae ha ifita kuli a lapele, mi, na ziba, kuli mwa ndu mwa Jerusalema, nekuna ni sitabelo se si tuka fa aletare, Daniele na sa sabi matwela bani.

⁷⁸ A puta masila, ni ku kwalula mahaulo, ni ku kubama ka mañwele, ni kunanula mazoho mwa halimu ku Mulimu mi a lapela. Kiñi? Kupila kamba kushwa, nana ni tulo. Mi, kabakalelo, tulo yetuna luli mane litau za palelwa ku muca. Na—na tuzi.

⁷⁹ Bo . . . Shadreki, Misheki, Abedinego nebana ni tulo yetuna hahulu kufitela tau . . . kufitela mulilo wa tokwa ku ba cisa. Mwa ziba, tulo k nto yetata ku cisiwa, kamba ku ciwa, kamba sika kaufela. Mwabona? Kacwalo, bona, nebana ni yona.

⁸⁰ Na kona kubulela mutu yomuñwi. Mwa mazazi a Lota, Jesu na swanize ku yona, nekuna ni fela babalalu bene ba tuzi, Lota ni bana ba hae bababeli babasizana. Mane niyena musala hae kutokwa; na si ka tula. Musali—muslai na kalile hande. Ki mufuta fela. Kambe luna ni nako. Mizuzu yaka ye mashumi amalalu i kwanile cwale. Mwabona? Mwabona? Musali, na ezize hande, a funduka.

⁸¹ Cwale Ni swanela ku fa se ku mina, fa nako nyana fela. Buñata bwa mina mu fundukile, ni mina. Buñata bwa mina mu siile lika ze, kuli munge mayemo a mina, kasumulaho mu ma no Libata mwa Mañolo ni ku Li fumana kuba ze iketile. Mu boni ponahazo ya Mulimu Yamata kaufela; isiñi ka sesiñwi, sa *bulezi* mutu kuli kona ponahazo. Se ibulela Biblele kuli ki sona, mi fa Isweli ya si eza. Mu boni kuli Ki Niti. Kacwalo, mu kalile kwatani, kusiya Sodoma, kusiya kopano, kusiya lika ze mi tama kwa litumelo za bulapeli; ni ku latelela Krete, ka Moya o Kenile unzo iponahaza ili Ona ka Linzwi le liñozwi la Mulimu. Ka manzwi amañwi, u ngile Biblele mwa sibaka sa tuto ya bulapeli. U kalile hande, ku latelela.

⁸² Kihande, musala Lota ni yena na ezize nto yeswana, mwa ziba. Na kalile hande, kuya ni Lota, alatelela muuna hae, bana ba hae, balatiwa ba hae, kono ne Lisiyo mwa pilu ya hae. Na sa lata lifasi. Kona kuli kubunolo wakona ku tateka sika, kono ni cwalo lifasi li sa li kuwena. Mwabona? Na si ka tula. Ni ha nali mwa musipili, za yo mu swabisa kwa mafelelezo. Nana ni kuba ni ulimuñwi wa mutalimelo, omituna o mutelele, wa mafelelezo.

Ona fani kona fa na swasehezi. Mane u si ke wa talima kwa mulaho. Usike wa ba ni litakazo. Zwelapili kuzamaya. Iseza ngana ya hao fa Kalvari ni kuzwelapili kuzamaya ku Krete. Mwabona? Mwabona?

⁸³ Na kalile hande, sina mutuli, kono apalelwa ku tula. Oh, na siile kopano. Na i siile. A zwa mwa Sodoma, ni Lota. Kono na bata ku kuta mwa mulaho ni kukuta milili ya hae. Mwa ziba se Ni talusa. Mwabona? Nana ni kukuta kwa mulaho. Na sa koni fela kuyemela ta—ta tatubo. Nana ni kotalima kwa mulaho hape, ku bona se ne baeza babañwi. “Oh, mwa ziba, Ne nina ni balikani babande kulo kwani, ku zeo kaufela. Mi, kasamulaho wa zeo, wo ikona kuba fela—muzamao o likani. Ha ni zibi haiba ukona kuba olukile kamba nee. Ni—Ni na ni fela linzwi la mutu yo ka zona, ni ha li muuna ka. Kono niteñi . . .” Mulisana hao ki muuna hao, kubulela ka moya, mwa bona. “Cwale, kamba ikaba hande kamba kutokwa, Ha ni zibi. Mwendi yena, sinulo ya hae ne i si ka luka.”

Mi, haiba ha u i kutwi kulikana, ha u si ka ziba hande kuli ki Linzwi la Mulimu, mi—mi haukoni kuya. Mwabona? U lukela ku itoboha luli. U lukela kuziba. Isiñi kubulela fela, “Kihande, Ni bona babañwi ba li eza. Na bona sisupo.”

⁸⁴ Mwa ziba, Isialele na kalile hande, Na kona kubulela nto yeswana ni ku itisa kwanu. Ba kalisa hande, baba tu milioni baba tiile, mi ba yo feza musipili bali fela baana bababeli. Kiniti. Ba bona misebezi ya Mulimu. Ba bona ponahazo ya Moya. Ba bona limakazo zetuna, ze mata ha li ezahala mwani mwa Egepita, ni lika kaufela, mi bnba funduka. Kono ne—ne li si yo mwa pilu zabona. Ne ba si ka tula. Ne ba zwile feela. Mi Jesu ali, “Mi ba shwezi mwa lihalaupa,” mi ba shwile Kuyakuile. “Mañi ni mañi wa bona ba shwile,” seo sitalusa kauhano ya Kuyakuile. Mañi ni mañi wabona u bolezi mwa lihalaupa.

⁸⁵ Kono nekuna ni baana bababeli, Joshua ni Kalebu. Mi ha li taha kwa kangisano, ze tibela neli zetuna hahulu kufitela ba bonahala inge limbimba kwa matuko abona. Joshua a huwa ni Kalebu, mi bali, “Lwa kona mane kufita ni batuli.” Kiñi? “Mulimu naize cwalo.” Mi nebali batuli. Ba tula. Neli bona bene bana ni lithonolo, mwa kopano tuna yani ya sicaba, kunga Munyaliwa wa luli, ya ketilwe kuliba mwa naha ya sepiso. Joshua ni Kalebu kwa libaka za kwapili kwani, sina baika bababeli, ba baisa kwani kwa nuka, mi ba sila nuka, kusilela mwa naha ya sepiso. Kiñi? Ne ba lumela Linzwi, kupale kumane.

⁸⁶ Mi, Datani a taha. Datani, nitaluse, a nanuha, mi ni yena Kora a nanuha, mi ba kala kubulela kuli, “Muuna yo ulika ku ipaheka fahalimwa luna kaufela; u kenile hahulu kufita babañwi kaufela.” Kasamulaho Mulimu ha na mubonimize handende muuna yani. Se bali, “Lu ka kalisa fela sikwata sa batu mi lu

ka eza *se, sani*, kamba *sesiñwi*, mi lu ka ikezeza likopano zaluna, luka eza. . .” Mi ba shwa ni kuyunda.

Kono baana bani ne bana ni Linzwi la Mulena, mi ba pila ni Lona, mi ba silela mwabuse.

“Ha ki ya kalisa; ki ya feza.” Ki babañata ba ba kalanga takazo, kono kuna ni Alimuñwi ya fezanga. Ku kaba likeleke zeñata ze ka kalisa, likwata zeñata za batu. Ku kaba Sikwata silisiñwi se si ka feza. Bao kona batuli.

⁸⁷ Lizazi la Lota, eeni, nana ni kuba ni mutalimelo omutuna wani, mutalimelo o mutelele wa kwa mulaho. “Oh, Na siya sa *Kuli-ni-kuli* kulo kwani, linako zende zani ze ne lubanga ni zona. Hanina ku li libala.” Mi a swaseha, a kwalelwa, sina mo ne kuinezi mwa mazazi a Nuwe. A kwalelwa kwande, kusina sishemo, mi a yunda. Mi ni—ni sikoto sani si sa yemi ni kacenu. Ba li (Ha ni zibi) wakona ku monkola kwateni siemba mi si ka mela hape, ki musumo wa lizwai. Mukile mwa bona siswaniso sa *Sodoma Ni Gomora*, mu ka bona musumo wa makalelo wa lizwai o yemi kwani.

⁸⁸ Cwale, kuna ni shutano mwahala musumo wa lizwai ni Siita sa Mulilo. Mwabona? U na ni ku sikuluhela kwa neku leliñwi. Eehe.

⁸⁹ Mulemuhe, mwa nako ya Joani Mukolobezi. Mwa nako ya Joani Mukolobezi, ne ku fumanwi baba silezi bene ba tuzi. Masika kaufela, ba bile ni batuli. Mwa nako ya Joani Mukolobezi ne bana ni baba silezi, yani neli Josefa ni Maria, Zakaria ni Elizabeta, Simeoni ni Anna. Muuna ni musali, muuna ni musali, muuna ni musali; mwabona, mufuta wa Kreste, Keleke; Kreste, Keleke; Kreste, Keleke; Kreste, Keleke. Mwabona? Mwabona?

⁹⁰ Mulemuhe, ikala ka mutu wa nama. Batili-. . . Mu-. . . Josefa, mutu wa nama, Josefa, nali sikamañi? Nali mubeti. Mi kutaha muprisita, nali sikamañi, mwabona? Nali mukutazi mwa ndu ya Mulena; Zakaria. Mi kuzwa fani ku Simeoni, mupolofita mupolofita wa musali. Mwabona?. . .? . . . Kuluka, kukeniswa, kolobezo ya Moya o Kenile. Amen. Kikuli hamu liboni nji? Kaswanelo. Basikisi ne ba tuzi. Babañwi ba ba siyezi kaufela, ba fa sitabelo sabona ni lika kaufela, kono ba bona ne ba Ketilwe. Ba tula.

⁹¹ Mulemuhe lusika lwa keleke ni keleke. Baba swana ba tula fani, mwana ni mwana mwa lusika lufi ni lufi lwa keleke, na tula muliko wa lusika lwateni. Nina ni Mañolo faa. Ha ni sepi kuli lu na ni nako luli ya kutalima kuona, kono lwa ziba ifi ni ifi ya masika a likeleke. Kinto yeswana ni cwale. Kuswana fela sina mutu ya. . .

⁹² Mwabona, sina ha Ni bulezi kwa makalelo, kuli u pepwa inge u tuzwi. Mi kupepwa koo ha ku koni ku kutisa kwa—kwa Bupilo, kakuli upepilwe utuzwi kale. Mi u mwa lifasi le li tuzwi, mwahala sicaba se si komilwe, mwahala lituto za

litumelo ze tuzwi, likopano ze tuzwi. U lukela kutaha kwa tulo ka nzila yeñwi.

⁹³ Kuswana fela sina mulilima. Kokuna ni... Mulilima, Na sepa, ki iliñwi ya lipalisa zende hahulu zeliteni. Ni lata hahulu lipalisa zani za mulilima ni mayanga-yanga a mwa musindi. Ni sepa kuli hakuna nto yende yefita sikusha sa mulilima, ba li biza kuli mulilima wa mwa mezi. Mo i nunkela hande! Cwale, i zwelela kai? Ki peu yenyinyani, mwatasi luli kwatasi a sileze, simbotela sa sileze. Mi peu yenyinyani yani, hape, liseli kaufela le li kona kumonyeha kuyona, li mwahala yona ona fani, inge i sa li mwa sileze sani. Kono ina ni ku ikataza, ka zazi, ka kuziba kuli kuna ni se siñwi. Ki yensu. Ki yemasila. Itezi sileze. Ya telela. Ona mwa sileze se si telela mo ipila mwani, kono i ka tundanisa katata mwa sileze, mwa masila, ni mezi, ni libaka ze inelezi mezi, kufitela i punya toho ya yona fahalimu, mwa liseli, ni kubonisa se si patilwe kuyona ka nako ye kaufela.

⁹⁴ Ni sepa kuli yoo ki yena mutuli, kuli, ha li mwa sibi, ya na eza lika ze maswe nako yeñwi, ha sa bilaezwa ka zona cwale. Ya na eza lika ze maswe nako yeñwi, kale, cwale kiñi zo talimela mwa simbotela hape? Mwabona? Mutalime, mu na ni . . .

⁹⁵ Mulimu, ka temuho ya Hae ya pili, mwabona, utisize peu ye kuba yepila, mi isweli ya ikataza ili yona, mwabona, kutaha kwa liseli. Mi cwale, fahalimwa zeo kaufela, ina ni kukoma. Mwabona? Ha i iponisi mwatasi *mwani*. I taha fahalimu, kuli i to i ponahaza.

Kambe neba wena, mwa si—si sibi sa hao, ni boozwa, ni lika kaufela zo pilile kuzona. No si ka eza sika ni se si kana. Kono nekuna ni peu mwahali mwani, mi ina ni kolo ya ku iponahaza iliyona kwa Liseli. Mi cwale u Fapila Jesu Kreste, ni Liseli la Mwana. La tisa so no banga sona kwa simuluhu. Mwabona se Ni talusa? No boni Liseli. Wa pazima. Wa tisa pilu ya hao mane ya kwaluha, mi cwale u mulilima.

⁹⁶ Mwa hupula kutazo ya ka ka za mulilima? Mubuleli Mulilima, mwa i kataleza. “Mi, ibo, ha oti bwanda. Mi ibo, Solomoni, mwa kanya ya hae kaufela, ha si ka apala sina iliñwi ya zona.” Yena—yena—yena—yena—yena... Amu mutalime. U itukisize kui-... Hakuna sa ikungela. Mulilima hakuna so ikungelanga za ona uñi. U ezanga sikamañi? U—u kashanga bunde bwa ona fande, bupilo bwa ona, kuli babañwi ba bone. Bupilo bwa ona bu bonahalela kwande, kuli babañwi ba bone kanya, se sili kuona, sene sili kuona mwa sileze. Cwale si fahalimu.

Yoo ki yena mutuli. U tuzi sileze. U tuzi lika za lifasi. Mi cwale u ipna ili yena ka tukuluho kwande. Mañi ni mañi wakona kutalima kuyona. Bupilo bwayona, haukoni kusupa munwana ku ona. Mwabona? Ki mutuli wa niti. Hakuna so kona kubulela ka yena cwale. Kuli, “U zwile mwa sileze.” Kono ha yo mwa sileze

cwale. U fahalimu a sona. Amen. Haukoni, fohe, kusupeza ku sa nali sona. Ki sikamañi sa li sona cwale? U fa halimu.

⁹⁷ Mi kipeto muka ya taha ni kubulela kuli, “Ye ki sende yende. Ni sepa kuli Ni yo ikungela siemba sa ka.”

⁹⁸ I ka kwalula fela pilu ya yona, “Kifo taha cwale. Ku lukile.” Lika kaufela za nga ku yena. Mwabona? Ki—ki mulisana wa niti. U bonisa Kanya ya Mulimu. Mi mutalime kwa zwelela. Nana ni ku koma, kuli aeze cwalo.

⁹⁹ Nako yeñwi, yena muuna kamba musali nali mwanana mi yabuheha, yomunde. Neba na ni miliko yemiñata hahulu mwa kufita, kon ba tula zani kaufela. Mwabona? Ba tula. Cwale basweli kubonisa bunde sakata bwa Kreste mwa bupilo bwabona. Mulemuhe, mwahala sileze.

¹⁰⁰ Jesu na lufile mutala, mwa ku ezeza zani. Cwale lubata kuziba mwa ku tulela. Jesu na lu bulelezi mwa ku ezeza. Mwabona? Kuishuwa! Na Itamile, anga taulo, ni kutapisa mahutu a balutiwa ni ku pukuta. Yena Mulimu luli wa Lihalimu a i kokobeza Iliyena.

¹⁰¹ Ha lu lati ku kokobezwa. Ki kabakaleo basali ha ba lati milili ya bona kuli ihule, mwabona, libaka le ba sa lateli kutinela inge likalibe mo baswanela kutinela. Sina, baana ha ba lati kueza cwalo, mwabona, ki nto yeswana. Ha ba tabeli. Ba—ba ikutwa kuswaba.

Kono, Jesu, ka tundamo! Mutalime Yo nali Yena. Butuna! Ni ka bulela nto yeñwi. Butuna bwa ikusufanga ilibona. *Butuna* bwa ikokobeza ili bona. Butuna!

¹⁰² Ni bile ni lithonolo la kuba, ni kopana ni baana babatuna. Mi ki bona micaha baba na ni kucinca litino, ni masenti a mashumi aketalizoho mwa lipokoto za bona, a eza lilata, yani ki yena mutu ya nahana kuli ki sika kanti mane ha ki sesiñwi. Kono Ni yemi bukaufi ni baana babatuna, Ni talusa baana babatuna ni mazoho a pazauhile, likunupo kwa lihembe. Ba eza wena kunahana kuli kiwena mutu yomutuna. Mwabona?

Butuna ki buishuwi. Musike mwa libala cwalo, Keleke. Butuna bu bonahalela mwa buishuwi, isiñi mo kona kubela yomunde.

Ha ni talusi masila, cwale. Ni—Ni talusa kuikokobeza mwa moya. Mwabona? Ha ni talusi fela kuba—kuba ya masila ya sa ikenisi ya si ke kutapisa ni kuba ya kenile. Kuli, mu lukela kueza cwalo. Mwa ziba cwalo. Mwabona?

Kono Ni bulela ka za kuikokobza, buikokobezo bwa niti, isiñi fela si ka sa kuapala. Nto fela yeswana cwalo, nto yeli buishuwi sakata.

¹⁰³ Jesu na lu bulelezi mwa ku ezeza. Na tuzi. Kutalusa... *Kutula* kutalusa “ku yemela muliko,” yeo ki niti, sina balumeli ba kale kaufela mo ne ba ezelize; sina Jesu mwa na ezelize:

mwahala lila za Hae kaufela, Na yemezi muliko. Lika kaufela za Na likilwe ka zona, Na li tuzi. Mwa sifateho luli sa matuku, ni Yena kakuba Mesia, A ba folisa. Fa sifateho sa lifu, A ba kutisa kwa bupilo. Fa sifateho sa Kalvari, lifu la Hae Tota, Na li komile ka kuipa Iliyena. Kiñi? Ka Linzwi. Ali, “Musinye Tempele ye, mi Ni ka iyaha mwa mazazi a malalu.” Linzwi li bulezi ona cwalo. Mwabona? Mi fa pila lifu, A li tula. A tula lifu. Fa pila lihele, A koma lihele ni kutula lihele. Eeni. Fa pila libita, Na komile libita. Kiñi? Kaufela neli ka Linzwi, ni buishuwi. Oh, mawi! Ki yani Muuna wa niti. Ki yani Ya lukela kuba mutala wa hao. Mwabona? Na tuzi lika kaufela, ku li tula.

¹⁰⁴ Mutalime. Muliko neli wa Hae. Mwa ziba cwalo? Bibeles ibulezi kuli, “Na likilwe mwa maneku kaufela sina luna, kono niteñi kusina sibi.” Na likilwe ka—ka kunwa. Na likilwe ka basali. Na likilwe ka lika kaufela ze ne kona ku lika ka zona. Na likilwe ka lika kaufela ze luli zona. Na li Mutu, mi niteni no si ke wa beya sika ku Yena. Eeni, sha.

¹⁰⁵ *Kutula* kutalusa “kulemuha diabulosi mwahala makilikicani a hae kaufela.” Batu babañata bali, “Hakuna diabulosi. Ki muhupulo fela.” Musike mwa lumela cwalo. Kuna ni diabulosi wa niti. Uteni mane inge wena ona cwalo kamba mutu ufi kaufela. Diabulosi wa niti, mi u swanela ku muziba ka niti. Mu lukela kuziba kuli ki diabulosi. Mi, nako yeswana yeo u—u mu lemuha, ni kuziba kuli ki diabulosi mi wa ku lwanisa, konakuli, ku koma, u lukela kulemuha kuli Mulimu ku wena ki yomutuna mi u mata kufita yena mwa inezi, kuli Yena yali ku wena u mu tuzi kale. Mi, ka sishemo sa Hae, u mu fitela kwahule ha likani ni wena. Amen. Koo kona kutula kwa niti, ha u lemuha cwalo.

¹⁰⁶ U talima kwa mulaho, ni kubulela kuli, “Ni eza se mi Ni eza ni *sani*,” mi, batili, wena—wena, u tuzwi.

“Kono hakuna katulo ku babali ku Krete Jesu, ba ba sa zamayi ka nama, kono ki ka Moya.” Mi u ka lemuha kuli u komile.

Mi uziba kuli ki diabulosi.

Haukoni kubulela kuli, “Ni na ni butuku, mi Ha—Ha—Ha—Ha—Ha ni lumeli kuli ki butuku.”

Oh, eeni, *ki* butuku.

Una ni kansa, ha u “sa lumeli kuli ki kansa.”

Ki kansa. *Ki* kansa.

Kono, muhupule, “Yomutuna ki Yena yaliteni ku mina kufita yaliteni mwa lifasi.” U lukela kulemuha kuli Moya o Kenile oli ku wena u komile kale nto yeo. Mi Yena uteni ku wena, mi wakona kutula ka Yena. Nto kona zefa butali, kona ona cwalo Mañolo mwa ñolezwi. Kutula!

Ni lukela kuakufa. Ni felize kale mizuzu ye mashumi amane ka yeketalizoho cwale. Se ni fitelezi nako cwale.

107 Mulemuhe, kutula! Yena Mulimu yali ku wena ki yomutuna kufita yena ya li kuyena. Kakuli mulimu wa lifasi ha ki yomutuna sina Mulimu wa Lihalimu, yali ku wena, kuswana sina lififi mo li sa koneli kuyemela fapila liseli.

108 Cwale, lififi halikoni kuyema fa pila liseli. Hanina taba kamba ku unsufezi cwani, liseli lika monyeha. Halikoni ku yema. Kanya! Kono munge lififi ka buñata le mubata kaufela, ni kulika kuyema kulwanisa liseli nako iliñwi, ubone se si ka ezahala.

Yani ki Yena yali ku wena, ki Liseli. Mi yena yali mwa lifasi ki lififi. Kacwalo, Liseli li pakile ku kutula lififi, mi mutu yali ku Kreste mi u ziba kuli u tuzi lika za lifasi. Amen. Ha lina tamahano ku wena, ni hanyinyani. U lukuluhile. “Halu zamaya mwa Liseli, sina Yena hali mwa Liseli, mi Mali a Jesu Kreste alu kenisa kwa sibi kaufela, mi luna ni kopano hamoho.” Ki fo he cwale.

109 “Yena yali teñi ku mina ki yomutuna kufita ya li teñi mwa lifasi.” Cwale, haiba utalima kwa mulaho mi u nyazizwe, konakuli u sa li mwa lifasi. Kono haiba upila fahalimwa zeo, konakuli Yena yali ku wena u ku isize fahalimwa lififi.

Sina mulilima, u fahalimwa lififi la sileze. U fahalimwa lififi la mezi a sileze. U mwa liseli, u bonisa bunde bo ne bu beilwe ku yena a si ka zwa kale mwa sileze. Amen.

110 Cwale Ni—Ni ikutwa inge Mukreste ya huwa. Sene sili mwani ka Mulimu, kwa simuluhu, sa i ponahaza hande, kutula. Sa tula sikami. Sa tula sileze. Sa tula mezi. Sa tula lika kaufela, mi sa ba mutuli, ni kubonisa bunde ni Kanya ya Mulimu.

111 Cwalo kona mwa ezezanga mulumeli kaufela. Kona mwa na ezelize Nuwe. Cwalo kona mwa na ezelize Lota. Yani kona nzila. Mutalime butata bwa na li ku bona. Cwalo kona mwana ezelize Mushe. Kona mwa na ezelize Joshua. Kona mwa na ezelize ni Daniele. Kona mwa na ezelize ni Shadreki, Misheki na ezize ona cwalo. Cwalo kona Joani Mukolobezi mwa na ezelize; Zakaria, Elizabeta. Cwalo kona Simioni, kona mwa na ezelize Anna, mañi ni mañi wa bona. Ba tula sileze sene si ba beya mwahali ni ku ba shimba. Ba nanula litho zabona fahalimwa sika, ni kubonisa Kanya ya Mulimu. Kona Mukreste wa niti sa ezanga.

112 Muhupule, Jesu na Mu bonisize mo ku ezezwa. Mazazi a mashumi amane a muliko, Na likilwe kufitelela mutu kaufela ya na ka likiwa, mwa muliko wa Jesu Kreste. Mutalime. Na lu bonisize mo ku ezezwa.

Cwale Ni ka kwala, mwa mizuzu fela yelikani.

113 Mutalime. Na lu bonisize mo ku ezezwa. Kana Na ezize cwani? Ka Linzwi. Cwalo kona mwa Na li ezelize, kakuli Nali yena Linzwi. Mi Jesu ali, “Ha muina ku Na, ni Manzwi a Ka aina ku mina,” mukutela kwa Linzwi hape, lona Linzwi la sepiso. Linzwi la sepiso ki lifi ku Mukreste kaufela? “Yomutuna ki Yena

yaliteni ku wena kufita yaliteni mwa lifasi.” Cwale Ni ka tula cwani? Isiñi na, kono ki Linzwi le lili ku na. Linzwi ki Mulimu. Kona kuli Ni tula lika za lifasi, kakuli ki Linzwi le lili ku na. “Ha muina ku Na, Manzwi a Ka aina ku mina, fohe mukupe fela se mu lakaza.” Zwelapili fela ku itiisa. U taha fahalimu, kuya ka sika kaufela mo siinezi. Mwabona? U swanela kutaha fahalimu.

114 Mazazi a hae a mashumi amane a muliko, ka Linzwi la Mulimu Ya komile. Ni bata kubulela nto yeñwi fa ka mizuzu yelikani fela. Satani na Mu taselize ka linako zetalu mwa muliko wani. Mutokomele. Kamita li banga mwa bulalu. Musike mwa libala. Mwabona? Na holofalize ka butuna halalu, kuzwa fahalimu hahulu kutaha fafasi hahulu. Na likile ku Mu tula katata luli. Kono Nali yena Linzwi. Amen. Ki sikamañi sa Na itusisa? Yena kasibili, yena Linzwi. Litwaniso kamba likolofalo za Satani zetuna zetaalu ku Yena, kono A kopana ni zona ka Linzwi. Tasezo kaufela, Na i ezize ka Linzwi. Mutalime se cwale, kuzwa kuzepahami hahulu kutaha ku za mwatasi hahulu.

115 Wa pili ya na ti lo taseza, ka kuitusisa mata a Hae amatuna. Ao, Na ziba kuli Na li Linzwi. Na ziba sibaka sa Hae. Mwa lumela kuli Na ezize cwalo? “Na nili Mwana mutu.” Na ziba mayemo a Hae. Mi Satani ataha mi na bata kuli Aitusise mata a Hae Tota ku Yena, kuli a Mu fepe, kubata ku Mu fepe. Na lapile. Mutu ha lapile, ukona kueza sika kaufela. Uka uzwa, kupamula, kukupa, kukalima, sika kaufela. Mwabona? U bile ni lishuke leo. Mi Satani na i tuisize kolofalo ya hae yetuna ku Yena, kuli ange mata a Hae a Na filwe kuli atule ka ona ni ku i tuisisa ona ku Yena. Na si ka itusisa ona ku Yena muñi. Batili. Na itusisa ona ku babañwi. Yeo ki niti. Na itusisa ona ku babañwi, isiñi Yena kasibili. Ne si a Hae. Ni ha, Na ka eza cwalo. Na ka eza ona cwalo luli.

116 Kono mwabona diabulosi mwa belanga? Diabulosi ubata kuli u mu iseze ngana. Na tokomela fela za na bulela Ndate. Yeo ki niti.

Ki hali, “Kiñi,” Satani ali, “ku ñozwi, ‘Uka laela Mangeloi. . .’”

117 Ki hali, “Eeni, kono hape ku ñozwi. . .” Mwabona? Ki fo he cwale. Mwabona? Na ziba Yo ali Yena. Satani a eza. . .

Muhupulo u zamaya ka kutunga hahulu kufita mo U ñolezwi. Mwabona? Ki susumezo. Munjeke u mwahali a Ona, mwa bona, se Sili sona luli.

118 Ni ha Na ka eza cwalo, Na si ka li eza. Kono Na—Na si ka iseza ngana kwa siyemo sa Satani.

Cwale, ki ye nto yende. Mwabona? Fokuñwi Satani wa kona ku ku nga, mi wena u nahana kuli u eza tato ya Mulimu, mi ukona ku ku nahanisa kuli, u ka li yemela. Eeni, sha. Wakona kueza cwalo.

¹¹⁹ Cwale ha lungeni fela, ka mutala, sina likezeli zaluna. Ki babande. Mi wa kona ku kuisa fa sibaka, sa kuli, u tuhele milili ya hao kuhula, u sa zibi i bonahala yende luli ku wena, mi, nto yapili mwa ziba, u ikutwa inge ya kakatezi nyana, kuba fahalimwa sesiñwi cwalo. Babañwi ba mina baana, mwa ziba se Ni talusa. Mwabona? Mi wa kona kunga taba yeswana yani ni ku ku tomela yona. Yeo ki niti. Mwabona. Una ni kutula zeo.

Muhupule fela, u pilela Mulimu. U na ni mulelo ulimuñwi, mi wani ki Jesu Kreste. Kwanda sani, hakuna zeñwi za butokwa. Yani ki Yena. Kanti, sabubeli, kwa lubasi lwa henu. Mi, sabulalu, ku wena muñi. Kono, pili, ku Mulimu; kuzwafoo, kwa lubasi lwa hao; mi kuzwafoo, ku wena. Wena u wa bulalu; ao kona mafelelezo a musipili. U ipeye kwa mafelelezo; Na ezize cwalo.

¹²⁰ Mutalime sa Na ka eza. Ali, “Ha ne ni Ka biza Ndate, kuambola ni Yena, Na ka Ni lumela limpi zetwelufu za Mangeloi.” Kanti, li liliñwi la Ona ne li ka sinya lifasi. Ali, “Haiba Mubuso wa Ka neli wa lifasi le, kona kuli sicaba sa Ka ne si ka lwana. Kono Mubuso wa Ka ki wa kwa Lihalimu.” Ki fo he cwale. Mwabona? Na ka eza cwalo, kono Na si ka eza cwalo. Mwabona? Niteñi, Na ka eza cwalo. Na si ka teezeza kwa lishembo la Satani.

¹²¹ Cwale, kana mu utwile batu habali, “Haiba—haiba u lumela kuli kuna—kuna ni mufolisi wa Bumulimu. . . Haiba u mufolisi wa Bumulimu. . . Zamaya u yo biza mufolisi wa hao wa Bumulimu. Nina ni muuna fa, ya kula. Ni tabela ku mubona ha mu folisa.” Mwabona yena diabulosi ya swana yani? Ulika ku ku ambolisa. Ulika ku ku eza kuli u teezeze yena mwa sibaka sa kuutwela Mulimu. Kono mutanga, wa niti wa Mulimu uka teezeza ni kubona sa bulela Ndate, pili. Mwabona?

¹²² Inge mbututu yomunyinyani wa Stadsklev, ha ba mu luma kwanu. Mi musala Bo. Stadsklev ali, “Muzwale Branham, Ni lizeza kwa Germany.” Nekuna ni mpi ya ma American, ni iliñwi ya lifulai zabona za ma jeti inge ilulile kwani mwa libala, ye ne ka ni fufiseza kwa Germany ni kukuta, ka zazi leliswana. Na li mukutazi ba masole. Mi mbututu na lobezi, inza shwile. Mi me yomunyinyani yani inza huwa, ki hali, “Teezeza!” Ali, “Na ziba. Ne ni yemi fani ni kubona musali yani inza sweli mbututu yani mwa mazoho a hae, yana shwile kakusasana wani. Na bona Muzwale Branham ha ya kwani, a beya mazoho ku mbututu ya shwile yani, mi aba ya pila.” Ali, “Yo ki mbututu waka, Muzwale Branham.” Kwali ku ba kube lifu mwa lubasi lwa bona. Mwabona? Mi mbumbu ye ya kula kakusasana omuñwi ni kushwa nako ya musihali.

Fa ne ku yemi kaufela bona, inge babulela bupolofita ni zeñwi kaufela, “Mbututu uka zuha,” ni zeñwi kaufela ze cwalo.

¹²³ Se nili, “Kihande, zeo ki zende, Kezeli Stadsklev. Kono mutuhele ni bone sa bulela Ndate.”

Na ya mwa mushitu. Mi Na lapela. Ha ni kuta; na bizize linako zepeli kamba zetalu Ni si ka kuta kale kakusasana otatama. Hakuna.

Dokota ali, “Ku lukile.” Ali, “Haiba ku cwalo, haiba una ni tumelo ye cwalo, kalibe, haluna kutuhela kuli mwana a zwe mwa sipatela. Haine fela ona mo. U ine ni yena ona moo. Ku lukile.”

Muzwale Stadklev a yo bonana ni nduna wa masole. Ba li, “Luli. Lu ka mu fufisa, ni ku mu kutisa hape.”

¹²⁴ Mi nekuna ni fulai yene lulile, inge ilibelega, kuli i ni ise kakusasana wani ni ku ni kutisa busihu bwani, kwa Germany, kwa Heidelberg, Germany, kwa zuho ya mbututu yo. Se nili, “Luli, Mulimu wakona kueza cwalo, kono ha lu boneñi tato ya Hae se ili sona.”

¹²⁵ Mi Na zwela fande, na lapela busihu kaufela. Hakuna sene si ezahalile. Na yo kuta habusa kakusasana; hakuna sene si ezahalile. Mi Na kena mwa muzuzu. Ona fani fela Na talima fani, mi ne ku yemi Liseli lani inge li lepelega fa sikwalo fani. Lali, “Usike wa beya lizoho la hao ku seo. Usike wa kalimela sani. Lani ki lizoho la Mulimu.”

¹²⁶ Na mu lumela luwaille. Se nili, “Kezeli Stadsklev, pumbeka mbututu wa hao. Ki lizoho la Mulena. Ki tato ya Mulimu. Sesiñwi ne si ka ezahala ku mbututu yani mwa bupilo. U mutuhele fela azamaye ko Mulimu aziba kuli kona kwa inzi. Wakona kuya kuyena cwale. Wa pila, hauna kuba cwalo. U li siye fela ona cwalo.”

¹²⁷ Yena mukutazi yomutuna wa ba Lutheran yani mwa Germany a ñola liñolo ni kubulela kuli, “Awa Na i tumela, luli, Muzwale Branham ka kulibelega keto ye namile yani ya Mulimu, a si ka bulela kale sika.”

Kona cwalo. Swalelega keto ya Mulimu. Hakuna taba kamba babañwi ba bulela sikamañi, kamba kaufela seo sili sona, usike wa talimana ni Satani, ni hanyinyani.

¹²⁸ Haiba Satani uli, “Cwale, kolobezo ya mezi, ya libizo la ‘Ndate, Mwana. . .’” Haiba sani, yena mane ha bulela sika, li siye feela ona cwalo. Mulimu u li bulezi ka kushutana. Haiba u bulela kuli, “U muuna yomunde, ha u lukeli kuba. . . U musali yomunde, ha u lukeli kueza. . .” Usike wa bulela sika. Haiba Linzwi li bulela nto yeñwi, pila fela ni Linzwi kupale kumane kamba kucwani kaufela. Kona mutala wa na ku file Jesu, mi yeo kona kolofalo yetuna, mwabona, ya na ezize ku Yena.

¹²⁹ Mi, kolofalo ya bubeli. Ni ka akufa. Kubonahala fela kuli nako isweli kuya icibilika luli. Kolofalo yetatama yetuna, ya na Mu tasselize ka yona, ya Na kaba ya ikuhumusa.

Mi sani mo si natela batanga ba Mulimu, kuba buikuhumuso, kubonisa so kona kueza. “Kanya ku Mulimu! Haleluya! Ni mulamuleli! Ni wa *kuli*.” Mwabona? Mwabona?

130 “Taha kwanu, fa halimwa tempele, mi u ine fafasi fa.” Na Mu likile kueza cwalo. Cwale, muhupule, Na likilwe kueza cwalo, katata. Ali, “Cwale, haiba U bata kuba sika fapila sicaba, yema fa tempele ye, u tule.” Mwabona? “Ni ka Ku fa Liñolo ka zona, kakuli ku ñozwi, ‘U ka laela Mangeloi ka Wena, kuli, usike wa kubwa, ki licwe kwa lihutu. U ka Ku teela mazoho.’” Ku Mu eza kuli aikuhumuse, kubonisa bundume bwa Hae.

131 Hakuna mutanga Mulimu wa niti ya ezanga cwalo. Ha u bona mutu ya ikumusa, sifuba sa hae fande, ni zeñwi kaufela cwalo, muhupule fela, kuna ni se si fosahalile ni yena. Batili. Mulimu halati cwalo. Jesu na tomile mutala. Na ka eza cwalo. Kaniti na ka eza, kono Na si ka eza cwalo. Hakuna mutanga Mulimu ya ikumusa, ka yena anosi, kuli ange mata a Mulimu ni kuiponisa ili yena fahalimwa mutu yomuñwi.

132 Mwa hupula Mushe na ezize cwalo? Mwa hupula cwalo? Mulimu na mufile mata a kulika kueza kaufela za na bata; a mueza mupolofita. Na ile kwa Licwe lani, mi a yo nata Licwe ka nako ya bubeli. Zani za lwanisa tato ya Mulimu.

Mulimu ali, “Bulela kwa Licwe lani. Usike wa nata fateni hape. Uka sinya mu—mu—mu mufuta fa. Licwe li ka tokwa fela ku natiwa hañwi.” Kono a bulela ka za bufokoli bwa Linzwi ha na ezize cwalo; Zani ne li si ka ba hande. Eehe. Linzwi kona lene li ezahala. Licwe lani neli Linzwi. Mwabona?

133 Yena, nako yapili, na natile fa Licwe mi mezi a zwa. Mi hape ba ba ni linyolwa hape. Ki hali, “Cwale kuta mi ubulele kwa Licwe.” Ne li natilwe fela hañwi. Mwabona?

“Ku sa likana kwa Linzwi,” Mushe na pakile ka zona. “Linzwi ne li si ka luka; Nana ni ku natiwa hape.”

134 Kacwalo Mushe aya kwateni mi a nata Licwe sina cwalo, ali, “Aku zwe!” Na si ka zwa, kacwalo a to nata fateni hape, mi ali, “Aku zwe! Ni ku laela kuli u zwe.” Mi mezi a zwa.

135 Mulimu ali, “Taha kwanu. Taha kwanu. U pile kanya ili wena. U ngile mata a Ka; kufita u lumbe Na, u ikenisize ili wena. Cwale ha u na kusilela mwabuse bwa naha. Talima fabuse, bona mo i bonahalela; kono, fa, u ka siyalela ona mo.” Oh, mawi! Kwa li kuba neba alimuñwi ya na swana sina Mushe, mwa ziba. Batili, batili.

136 Ha to fita fa buikankabeki bwani ni Jesu, ki hali, “Taha fa tempele fahalimu fa mi utule.”

137 Ki hali, “Ku ñozwi,” amen, “Usike wa lika Mulena Mulimu wa hao.” Mwabona? A mu katana ka Linzwi, ku sani, ni kolofalo yetuna.

138 Hakuna mutanga wa niti yakile alika ku i patulula iliyena, ka—ka mata a Mulimu. Wa eza cwalo, u ka alatehisa ona foo.

139 Kolofalo ya bulalu yetuna, Satani atambeka mubuso wa hae ku Yena. Na ezie. Satani ali, “Wa bona mibuso ya lifasi yee? Ye ki yaka. Ni eza ku yona mo Ni latela kaufela. Ni ka i fa ku Wena.”

Kono, mu hupule, na lika ku Mu ezisa kuli a i tobone yona kusina sifapano. Ha Na kaeza cwalo, ne lu ka lateha. Na ka hapa mubuso. Kono Na lukela kulatelela. . . Na lukela kukuta. Na likilwe kueza cwalo, cwale. Lifu ki nto yetata. Na likilwe kunga tukuluho ya Hae mi kuba Mulena wa lifasi, kusina sifapahano. Kono, ha Na ka eza cwalo, sicaba sa Hae ne si ka shwa. Satani na ka bulela cwalo ka tabo yetuna ni Yena. Kono ki Hali, “Zwa ku Na, Satani.” Na si ka eza cwalo.

140 Na tezi ku to nyanda, ni kufita ka nzila yetata, musipili o butuku. A taha ka nzila ya manyando. A taha ka nzila ya lifu.

Kana luna, kakusana cwana, lwa itakaleza kuya, ka nzila yeswana yani ya Na ile ka yona? Kana lwa itakaleza kushwa? Kana lwa itakaleza kuipa ili luna ku Mulimu, ku itoboha kwa lifasi kaufela ni lika, ku Mu sebeleza? Mwabona?

141 Cwale, Na palezwi kueza cwalo. Ka kuitakaleza ku—ku itoboha zona, Satani nali cwalo, ku Yena. Kono Na si ka eza cwalo. Nihaike nge Jesu na likilwe, Na lu komezi kwateni. A—A itiisa mwa miliko kaufela ka na ni wena. Mwabona? Na ka li linga ona fani ka nako yani. Kono kiñi sa Na yezi ka nzila yeñwi? Ili kuli luna lukone kutaha, lube ni Yena. Mi haiba Na lifile tifo yekuma foo, kona kuli luna lu batu babanyinyani cwani kuli lu si ke lwa ya ka nzila yeo? Mi, muhupule, hakuna sika fa, nihakuli cwalo.

142 Haiba upila lilimo ze mwanda, ki sikamañi so ka taha ku sona? Minahano, mi ngana ya hao ya sinyeha, ya fokola, ni kusupala ni kuba ni luulu. Kwani kona ko ulibile, mi ao kona mafelelezo a teñi. U tahile cwale, u tule sika seo. Uka eza cwani? Ka Linzwi. Se li bulela Linzwi, wa si eza. U zamaya ka buikokobezo. U pile fapila Jesu.

143 U ku komezi lika wena ni Na. Ki yena mutala wa luna mwa ku tulela lusika lwa luna lolu maswe, sina ha Na komile lusika lwa Hae lolu maswe.

144 Muhupule, ha Na tile mwa lifasi, kuna ni fela ku sa lumela kokutuna, kamba kufitelela, kufita nako ifi kaufela. Ne li si ka Mu kataza ni hanyinyani. Hane ba Mu biza kuli ki diabulosi mwa sibaka sa Mulimu, hane ba Mu biza ka lika kaufela ze ne ka ezahala, ne li si ka Mu kataza ni hanyinyani. Nana ni mubonelo ulimuñwi: “Kutokomela za Ndate. Kubuluka Linzwi.” Linzwi ki Mulimu. Nana ni muhupulo ulimuñwi.

145 Linako zeñwi lu likiwa kukutanga mwa mulaho. Buñata bwa mina, mu likiwa kukuta kwa likopano, muya ku yonga sibaka, kakuli lifasi kaufela li bulela kuli, “U wa kopani mañi wena? U wa siemba sa keleke ifi?” Lu likiwa kueza cwalo; kaufela luna lu cwalo. Likezeli za luna li likiwa kukuta, ku kutela ku yo

ikopanya ni zeñwi za likeleke zeñwi, ni babañwi ba Assemblies, kamba ba likeleke za Mulimu, kamba babañwi ba bona; niteñi ba be Mapentekota, kutuhela milili yamina kukutiwa kwateni, ni kuapala ka mukwa kaufela o mubata kutina kaona. Mwabona? U likiwa kueza cwalo, ukuta mi u yoba ni libubo la lifasi la bumaswe le mo lupila.

Mi, se kona sibi sesituna sa mazazi a luna. Ki sibi sesituna mwahala sicaba sa luna, bulifasi, sina Bibebe mo ibulelezi kuli Lusika lwa Laodesia- . . . Lusika lwa Laodesia neli lona. Ki ba lifasi, “Bufumu, hakuna se ba tokwa; ha zibi kuli u mapunu, u nyandile, ki mwelwa, ni sibofu.” Sani kona sibi sa lizazi la luna. Ha u utwa Linzwi la Mulimu ha li lwanisa zeo, konakuli unga nzila isili, ha una ku lumelana ni za lifasi. U likiwa kukuta mwa mulaho.

¹⁴⁶ Na ziba. U zwelapili ku ni bulelela. Na ziba mwa bulela, “Nako kaufela.” Na ziba mwa katala ha ni bulela lika zecwana. Na katala ku mibona mueza cwalo, nina, yeo ki niti, sona sibi se Ni sweli kulika ku mi bulelela zateni. Kuli, “Kiñi zo sweli kunatela fateni he?” Utuhele kueza cwalo, kanti. Ni lika ku pilisa bupilo bwa hao, ka Linzwi. Ni ka katala, nina. Kacwalo, amu otolole fela hande. Se ki sibi, ha si lukeli ku ezahala. Eeni, sha.

¹⁴⁷ Lu lukela ku kutula lika zee. Lu kulubela kulikiwa ki zona, ka lifasi. “Haiba u lata lifasi, ni lika za lifasi, lilato la Mulimu ha li yo ku wena,” kwa bulela Jesu.

¹⁴⁸ Cwale lu ka kwala fela, ka kubulela cwana. Ku na ni mupuzo wa mutuli.

¹⁴⁹ Halu boneñi ni mi balele nto yeñwi fa. Amu apule Libibebe zamina. Halu kuteñi kwa Sinulo, kauhanyo ya 3, ya 2. Mutalime fa cwale, lika ze kaufela ze Ni bile ni bulela ka zona, za kutula. Cwale italime fela ili wena mi ubone. Itatube ili wena mwa siiponi sa ku bonahala kwa moya, ubone haiba u tuzi.

¹⁵⁰ Cwale, liñusa la pili, kwa—kwa lingeloi la Efese, Ni bata kuli muteeleze ku sa Na bulelezi. Mi Sinulo, kauhanyo ya 2, timana ya 7. Se ki sa lusika lwa kekeke yani, ha Na ba bulelezi kaufela ze ne ba ezize, “Ba siya lilato la bona lapili.” timana ya 7:

*Ya na ni lizebe, a utwe seo Moya u si bulelela likeleke;
Ku yena (ki mutu, isiñi kekeke). . . Ya tula—ya tula Ni ka
mufa ku ca kwa kota ya bupilo, ye li mwahali a paradeisi
ya Mulimu.*

Mwabona? Batuli mwa Efese.

¹⁵¹ Cwale, yetatama neli Smirna. Cwale, kwa batuli ba mwani, lu teezeza ku se. Cwale, timana ya 11.

*Ku ya—ya na ni lizebe, a utwe seo Moya u si bulelela
likeleke; Ya tula ha na ku eziwa maswe ki lifu la bubeli.*

Mwabona? Ba li tuzi.

152 Cwale, seo, cwale mutalime kwa Pergamosi, lu ka fumana sa na mu siyezi mutuli, ku sona se. Lu ka bala timana ya 17, kwa keleke ya Pergamosi.

Ya na ni lizebe, . . .

Kuli, yani ki yena mutu anosi, isiñi sikwata kaufela. Ki mutu anosi, yani ki Munyaliwa ya taha, mwa bona, ki Keleke.

*Yana ni lizebe, a utwe seo Moya u si bulelela likeleke;
Ya tula Ni ka mu fa kwa manna ye patilwe, ni mu fe ni
licwe le lisweu, fo kuñozwi libizo le li nca le li sa zibwi
ki mutu konji ta li amuhezi.*

Zeo ki ku mutuli, wa lusika lwa keleke.

153 Cwale, yetatama ki Tiyatira. Ha lu fumaneñi za na nani mutuli mwa lizazi lani. Ha lungeni timana ya 26.

*Ya tula, mi a tiiseza mwa ya ka kuisa kwa mafelelezo,
ku yena Ni ka fa mata a ku busa linaha: (Yeo ki niti.)*

*Mi . . . u ka a lisa ka mulamu wa sipi; mi aka tubiwa
sina lipizana za lizupa: kakuli ki yona taelo ye Ni
amuhuhezi ku Ndate.*

Mwabona, “Ni Yena, mwa lubona lwa Hae.” Kreste ki yena ya lukela kubusa linaha, ka mulamu wa sipi. Mi ki ye fa Keleke ye tula, “Yeinzi mwani, ni Yena, kuli atube linaha ka mulamu wa sipi.”

154 Cwale ha lu ba talimeñi mwa keleke ya Sardisi. Cwale timana ya 5 mwa kauhanyo ya 3.

*Ya tula, u ka apeswa liapalo ze sweu; mi ha Ni na ku
takula libizo la hae mwa buka ya bupilo, mi Ni ka bulela
libizo la hae fapila Ndate, ni mangeloi a kenile.*

Zeo ki ku mutuli mwa Sardisi.

155 Cwale, ha lungeni timana ya 12. Cwale, ye ki ya keleke ya—ya Filadelfia, mwa timana ya 12.

*Ya tula Ni ka mu eza musumo mwa tempele ya Mulimu
wa ka, mi hasana ku zwa mwateñi: mi Ni ka ñola libizo
la ka, libizo la Mulimu wa ka, ni libizo la munzi wa
Mulimu wa ka, ili yena Jerusalema yomunca, ya zwa
kwa lihalimu . . . Mulimu: mi Ni ka ñola libizo la ka luli
le li nca.*

156 Mutalime mutuli sa sepisizwe. Mwabona?

Cwale, cwale Laodesia, lwani kona lusika lwa keleke ya mafelelezo. Ku kaba bakomi mwateni. Mutalime faa. Bona, muhupule, lusika lwa keleke ifi ni ifi, lo luli mwa mulaho luba ni ze ne liteni ku lo lu fitile. Mutalime fahalimu fa. Cwale, kifo, ki kasamulaho ba mano amuhela mata aa, mabizo amanca aa, ni lika kaufela ze ñozwi, za Na sepisize, ni kuca manna ye patilwe, ni zeñwi kaufela kushetumuka cwalo. Mutalime lusika lwa keleke ya mafelelezo ye, Sinulo 3:21.

*Ya tula Ni ka mufa kuina ni na mwa lubona lwa ka,
(amen), sina Na ha ni tuzi, mi ni inzi ni Ndate fa lubona
lwa hae.*

Ya na ni lizebe, a utwe seo Moya u si bulelela likeleke.

¹⁵⁷ Kuna ni mupuzo wa batuli. Itiise, mulilima. Haiba liinzi ku mina, beya sileze kwatuko ni lika kaufela, ni kuikataza kutaha fahalimu. Eeni, sha. “Kuina ni Na fa lubona lwa Ka.”

¹⁵⁸ Mwa ziba, nako yeñwi, mahe Jakobo ni Joani. . . Haluna kuba ni nako ya kubala litaba zeo. Mahe Jakobo ni Joani ba taha ku to kupa sibaka se. Mwa ziba cwalo? Mwa hupula cwalo? “Mulena, mwana ka aine kwa neku le, mi mwana ka yomuñwi aine ku leliñwi.” Ki yeo tato ya me ku mwana hae.

Kono mutalime. Kono, “Sibaka sani,” Jesu ali, “ne si lemuhilwe kale.” Sibaka se ne si si si ka bonwa ka nako yani. Kiñi? Mulemuhe. “Si ka fiwa ku bona be i li bañi ba sona.” Sikamañi? Ya na ka ina kwa lizoho la bulyo, mi yomuñwi wa fakaufi ni Yena, na si mutuli pili. Mwabona? Ne i sa li. . . Na ize, “Ha—Ha ni lumelezi cwalo. Ha ni koni kulumeleza se, kono si ka fiwa kasamulaho wa kutaha kwa mulilo.” Amen. Mwabona? “Ha ni koni kufa se. Kono kasamulaho wa kutaha kwa muliko, ba kaina ku la bulyo ni ku la nzohoto. Kuna ni peu ye leliwwe kale ye libelezi kwani. I ka fiwa ku bao i sepisizwe. I ka fiwa ona kwani, kono muliko ha u sika taha kale; kuli, ha si ka tula kale.” Mwabona?

¹⁵⁹ Mutu ya na lukela kunga sibaka se kwa neku leliñwi, mi yomuñwi a nge sesiñwi kwa neku leliñwi, bukaufi ni Yena mwa Mubuso, ne li si ka fiwa kale, mwabona, ne ba si ka tula kale. Tatubo ne isika taha kale. “Ika taha kwapili.”

“Haiba lu nyandela Krete ni Linzwi la Hae, lu ka busa ni Yena, kakuli ki Yena Linzwi.” Muhupule, “Haiba lu nyandela Yena ni Linzwi la Hae, lu ka busa ni Yena, mwa Linzwi la Hae.”

¹⁶⁰ Mulemuhe. Yena, Mutala wa luna, ya kutula, mi ni kupahama, kasamulaho Amano koma lifu, lihele, matuku, libita. Lika kaufela, Na komile. “Mi ki Ha kambamela mwa lihalimu, ni ku luwa lihapwa.” Yani neli Testamente ya Kale, ni balumeli ba Testamente ya Kale bene ba komile. Ne ba bata Mutu ya cwalo yani, mi ba shwa Li si ka fita kale kwani. Kono cwale Mutu yo ha taha, “Ne li si ka tibela baba lobezi.” Amen. Halikoni kulatehisa, ka nzila kaufela. Kupila kamba kushwa, ki shutano mañi ye liteni? “Halina kutibela.” Mwabona? Ne ba libelele zeo.

¹⁶¹ Nahaiba Jobo kwa mulaho kwani, na i batile. Ki hali, “Na ziba kuli Muliululi waka wa pila, mi ka lizazi la mafelelezo Uka yema mwa lifasi.” Neku na nifela muuna ya lukile, muuna ya petehile. Na file sitabelo. Na ezize lika kaufela za na mu bulelezi Mulimu kuli aeze. Na li ezize ka buishuwi ni likute. Nali mupolofita. Mi cwale Satani ataha, ku to mu lika. (Inge fela

mwa tahela ku to kulika.) Kisikamañi sa na ezize? Na zwezipili kuyema fani.

Musala hae mane a zwela fande, ali, “Kiñi ha u sa lwahi Mulimu ni kushwa fela? U bonahala kuba ya nyandile hahulu foinzi foo.”

¹⁶² Ki hali, “U bulela inge musali wa sikuba.” Cwale, na si ka bulela kuli nali wa bukuba, kono na bulela sina ya cwalo. Mwabona? Ali, “U bulela sina musali wa sikuba.” Ali, “Mulena ufile, mi Mulena uni amuhile; ku fuyolwe Libizo la Mulena.” A tula.

¹⁶³ Na tuzi se ne ba bulela bo muyaha mabapa ni yena. A tula kaufela za ma membala ba keleke, Bilidai ni kaufela bona, ze ne babulela. Na tuzi mbishopu ni kaufela za na bulela. Na tuzi mubakweli ni sa na bulela kaufela. Na tuzi kopano, sene bana ni kubulela. Mi a ina ni baba beilwe kuluka ka Linzwi. Amen. Ibo, ne li mu kenya mwa butata ni za na nani kaufela, neba bana ba hae. A ñwaya limbongola ka siñetana, inza inzi fa, mi niteñi a tula. Mi cwale nako ya muliko tuna ha ne se itile, mi cwale malu a apuha.

¹⁶⁴ A talima fa sika kaufela se ne si bonahala bunde. Ki hali, “Kuna ni sepo kwa kota haiba i shwa; i ka pila hape. Mi peu ha iwela mwa mubu, ina ni kubola; ni kupila hape. Kono mutu ha lobala yena u pumehelwa ki bupilo; wa sinyeha. Mi bana ba hae ha ba taha, ba bashimani, ku to lila ni ku silisa; hakuna za lemuha. Ha sa na ku zuha hape. Oh, ki yani fani. Ki butata mañi? Ni peu, nina. Ni sesiñwi, se sili peu, mi Ni ka kena mwa mubu. Ha ni sa kona kuzuha hape. Ni ka lobala ona mwani. Oh, u ni pate mwa libita, u ni buluke mwa sibaka sa mukunda kufitela buhali bwa Hao bu fita. U ni tomele nako ni ku ni atula. Sina macwe mo a yongela, mezi kona a yongisa licwe.” Oh, a zwelapili cwalo, inza bulela litaba ze kaufela. Na kona kubona mitala kaufela kwande kwani, seo nesili sona. Oh, na si ka libona fela.

¹⁶⁵ Mi, Kezeli Rogers, wahupula hane Ni kutalize cwalo kwa maswabi a Busty. Mwabona?

¹⁶⁶ Kuli, mane, “Na ka shengununa licwe,” litaba ze mwani. “Oh, O Wena, uni pate mwa libita, mi uni buluke mwa sibaka sa mukunda.” Na zwezi pili ku itiisa. Ki hali, “Ni lakaza kuli kambe Ne ni ka ziba. Ni lakaza kuli kambe Ne ni ka ya, ku Mutu ya na Ka ni beya mazoho, na mutu wa sibi, ni Mulimu ya kenile, ni ku ambolela kwateni ku Yena.” Oh, mawi! “U Teñi. Ni ziba kuli Uteñi. Kuna ni Mutu Kwani yakona kueza cwalo. Kuna ni Mutu kokuñwi. Ki kai ko Ni ka fumana Mutu yani? Ki kai ko Ni ka mufumana? Ni ka ngongota fa sikwalo sa Hae ni ambaule ni Yena. Kabe Mutu a ka ni beya fela lizoho la Hae kuna, ni ku Mulimu, ni—ni ku ni beela mutano kuli, ni bulele! Kambe Ne ni ka fumana fela Mutu yani! Oh, U kai?”

167 A bata bata mwa keleke ya hae. Na bata batile mwa kopano ya habo. Na si ka mu fumana Mutu ya cwalo.

168 Mi ka nako iliñwi fela, malu a apuha kwateni, mi abona Mutu yani inza taha. Oh! Pilu ya hae ya bucembele ya nata ka tabo. Mi sesiñwi sa ezahala. “Ni ziba kuli Muliululi waka wa pila. Kuna ni Mutu ya cwalo.” Amen. Ku sa na ni Mutu ya cwalo. “Ni ziba kuli Muliululi waka wa pila. Mi mane, nihaike nge likokwani li ka sinya mubili wo, ibo ona mwa mubili waka wo ki mo Ni ka bona Mulimu, Yo Ni ka iponela ili na. Uka yema mwa lifasi ka lizazi la maungulo.”

169 Ka zazi la Zuho lani kakusasana, ha Na zuhile kwani, ni mubili wa Jobo ne u si ka fita neba mufuse otala luswana, na sweli kulibelela. Nali yena Sikwata se si ketilwe sani. Na zuhile mwa libita ni kukena mwa munzi, ni Abrahamama, Isaka, Jakobo, Jobo. Oh, mawi! Amen. Kakuli, ne ba libelela Mutu ya cwalo.

170 “Mi ku bao Baba bata Krete ka nako ya bubeli,” baba kona ku tula lika za lifasi le, ka muhau wa Hae, kutaha ku Yena, ni ku itima meto a hao kwa sika kaufela kwanda Yena ni Linzwi la Hae, “Uka bonahala ka nako ya bubeli mwa Kanya.”

“Kakuli tolombita ya Mulimu ika lila, baba shwile ku Krete ki ha ba ka zuha; bani baba pila mi ba siyala ba ka cinciwa, mwa nako nyana, ka ku koba kwa liito, lu ka ngelwa hamoho, ku yo Mu katanyeza mwa mbyumbyulu.”

171 Kamba Na ni mufuse fela otala luswana, kamba Ni sa pila Ha taha, hakuna shutano ku na. Amen. Hakuna taba, kakuli Ni boni pono. Lisilala puta kukuta kwa mulaho, mi Na Mubona. Yena ya na yemi, ni ku ni beya lizoho la Hae, na mutu wa sibi, ni kuswala Mulimu ya kenile. Mi Yo ki yena tifo yaka. Ki yena Linzwi le Ni yemela. “Kwa simuluhoko nekuna ni Linzwi.” Ki yena Linzwi lani, mi Wa ni yemela, Kwani. Amen. Mi Ni ka huwa zalona, ibile fela Ni na ni bupilo, “Ki yena Zuho yaka ni Bupilo bwaka.” Mi libaka zeñwi kaufela ki lishabati. Libaka zeñwi kaufela ki lishabati.

172 Ha Na ba sweli bene ba libelela zani, kona mwa Ka tahela ku mulumeli wa Testamente ye Nca kaufela ya tuzi muhanyezi wa kopano, ya tuzi libi kaufela ze zibahala za lizazi le, za lusika lolu pila ku lona lo cwale, sina mwa Na ezelize mwa masika a likeleke zeñwi kaufela, bani bene ba tuzi mwa lusika lwa keleke yani. Bani baba komile sikamañi? “Ni fumile. Hakuna se ni tokwa. Ni nani . . . Oh, Ni wa se kaufela ni se. Mi Ni Munyaliwa. Ni wa se. Hakuna se ni tokwa.’ Mi ha u zibi kuli u inzi mapunu, u sibofu.”

173 Mwabona lusika lwa bupumi lwani lo Ni bulezi? Ha ki bona baba pumilwe litoho zabona kwateni, kwa kale kwani, baba ka amuhela licwe lelisweu; isiñi bani bene ba shwezi mwa bu bulaiwa, ni kucisezwa fa litoli, ni lika ze cwalo; ki mañi ba ba ka fiwa mushukwe wa bulena. Kono ki lusika lwa bupumi lo cwale, lo lu nahana kuli ki lika kaufela. “Kihande, Ni membala

wa keleke. Ni muuna yomunde. Ni musali yomunde. Ni eza *se*. Hani lukeli kueza *Se*.”

174 “Kono ya tula,” ya tula lika za lifasi kaufela za lusika lo, ki sikamañi se ba ka eza? Kaufela ba ka yo ina ni Yena fa lubona lwa Hae; ba ka ya mwa Kungelwa Ha ka taha. Oh, mawi! Ki sikamañi se Ni bilaela, he? Ki sikamañi se lu ka bilaela ka se li bulela lifasi? Ki sikamañi se lu ka bilaela ka sa bulela mutu? Moya o Kenile omutuna uteñi mwahala luna. Siita sa Mulilo sa lu etelela ni ku lu zamaisa. Linzwi la Hae li pakilwe fapila luna. Lilato la hae li mwa pilu ya luna. Lifasi li inzi kwa mulaho. Lu zwile kwa lifu kukena mwa Bupilo. Lifasi li nahana kuli u lyangani.

Kono kana Jesu ulukela kulwala sifapano se
 anosi,
 Mi lifasi kaufela lizamaye li lukuluhile?
 Kuna ni sifapano sa mutu kaufela,
 Mi kuna ni sifapano sa ka.

175 Lilimo ze mashumi amalalu ka zetaalu mwa simu, kono sifapano se si kenile se Ni ka si lwala kufitela lifu li ni lukulula.

176 Mizwale yaka i ni fetuhele, ba bulele kaufela ze ba bata kubulela, za ku ni fulalela. Kono fa Linzwi *le* Ni yemi, mi lona Le fela linosi.

Sifapano sa kuipa se Ni ka si lwala,
 Kufitela lifu li ni lukulula,
 Mi kipeto ni ye kwa Hae, mwa Kungelwa, ni yo
 apeswa mushukwe.

177 Zeo kona ze lubata fela, nji cwani? Zeo kona ze lubata. Yani kona—yani kona sepo ya luna ni kupo. Hakuna milelo isili ye lunani, kono ki yani fela ku Jesu Krete. Mi fa kuluka kwa Hae lwa yema, ona foo kunosi, ni kuluka kwa Hae mwa Linzwi la Hae. “Mi Linzwi la ezwa nama mi la to yaha ku luna.” Mi Linzwi li sa iponahaza lona Liñi.

178 Kukoma cwani? Ka kunga Linzwi, yona sepiso, ka kuishuwa, kuzamaya ka buikokobezo.

Sifapano sa kuipa se Ni ka si lwala,
 Kufitela lifu li ni lukulula,
 Mi ni ye kwa Hae, ni yo apeswa mushukwe.

179 Kakuli, “Tolombita yani haika lila!” Mwakona ku ni pumbekelaa mwa liwate, kono Tolombita ika ni zusa. Luli. Ni ya kwa Hae, zazi leliñwi. Amen. Kufitela nako yeo, Ni ka na ni ikataza ona cwalo, amen, inge ni lwezi sifapahano se; ni sa talimisi meto aka fa sicaba, kono fa Kalvari koo, kakuli Nali yena mutala wa ka. Na bonisize mwa ku ezeza. Mi mutala wa Hae, luka u latelela ka tabo, zazi ni zazi.

Ni latelela Jesu muhato kaufela wa nzila.
 Ni latelela Jesu muhato kaufela wa nzila.

¹⁸⁰ Kana ha mu lati cwalo? Oh, mo Ni nahanela, ku Mu latelela, zazi ni zazi, muhato kaufela wa nzila.

Ha lu lapeleñi.

¹⁸¹ Mulena Jesu, hola ni mizuzu ye lishumi ka ye ketalizoho cwale, inze ni yemi fa, kulika kunga Linzwi la Hao ni ku tatulula kwa sicaba mwa ku tulela. U lu bulelezi mo li ezezwa. Ha u si ka lu bulelela fela, kono U bonisize mo ne li ezezwa. U lu etelezi. U lu bonisize mwa ku ezeza zeo: ku amuhela Linzwi mwahala luna, mi lubone hande kuli luswale kwa Linzwi lani lelili, “Ku ñozwi,” mwa muliko kaufela; kono lu ikokobeze, lu zamaye ka buikokobezo. Mi lu tuzi, ka Wena, ka mata a Hao a tuzi kale sila sa luna. Mi taba fela yeluna ni kueza ki—ki kuzamaya fela ka kuikokobeza ni tumelo, ka kulumela Cwalo, luna ni sisupo sa luna sa ponahazo ya Moya o Kenile, mi Satani una ni ku shenya.

¹⁸² Kuna ni litaulo ze beilwe fa. Li yemela sicaba se si kula. Ba tokwile, Mulena. Mi ba bala mwa Linzwi le li sa palelwi le ko ne ba zusize fa mubili wa Muhalalehi Paulusi litaulo ni masila. Ne li beiwa fa batu ba bakula. Mioya ye maswe ne zwa mwahala bona, mi limakazo zetuna za ezwa. Cwale, Wena u Mulena Jesu ya swana kacenu.

¹⁸³ Paulusi na kutalize Linzwi le, mi a ñola Linzwi le, lona Linzwi leliswana le lu lika ku latelela. Kakuli, na ngile Testamente ya Kale ni ku i swanisisa, ni kubonisa kuli neli mufuta, kuli Testamente ya Kale kaufela neli mufuta o petehile wa ye Nca. O Mulena, lu latelele mutala wani.

¹⁸⁴ Lu bona Mulena luna, sa Na ezize. Mi lu lemuhla kuli, baba kenile ba Testamente ya Kale bani, kakusasana cwana, lu fumana kuli ne ba ile. Mi Jesu ha na zuhile, ba ya ni Yena. Mi, Mulena, lu lumela kuli lu kaya Ha ka liza Tolombita. Lwa lumela cwalo, kuli Munyaliwa uka ya ka Lizazi lani mi uka ikopanya ni—ni sikwata sa Maheberu sa Teni, mi, hamoho, ku kaba Mulalelo wa Sinawenga mwa Kanya. Bao ba libelezi.

Lu lapela cwale sishemo sa Hao ni sishemo fahalimwa luna. Batuli, Mulena, batuli, lu lakaza kuba cwalo. Lu komele. Mulena Jesu, U tuzi lifasi. Cwale Ni lapela kuli U lumeleze mutu kaufela mo, kakusasana cwana, “Lubeye sibi kaufela kwatuko, lubeye kwatuko buima bo bu lu imeza ka bunolo, kuli lukone kumata ka tibeleso mwa takano ye tomilwe fapila luna.”

¹⁸⁵ Paulusi na bulezi cwana, Ndata luna yakwa Lihalimu, mwani mwa Buka ya Maheberu, kuli, “Lu lukela kubeya kwatuko buima kaufela,” kauhanyo ya 12 yani, ya na bulezi se, kasumulaho amano bonisa kale ka mutala, kwa mulaho kwani: bani bene ba zwezipili; bani bene ba si ka ya; ba bane ba latelela ka kufutumala fela; bene ba latelela kwapili; bene ba siyezi kwa mulaho. Kaufela, na bonisize mitala. Mi ki ha sikuluha ni kubulela kuli, “Ha lu beyeni kwatuko buima kaufela, nto yenyinyani kaufela ye lu imeza, kuli lukone kumata ka tibeleso

mwa takano ye tomilwe fapila luna; lunze lu talimile ku Yena, yena Mukalisi ni Mufezi wa Tumelo ya luna, Ya lu file mutala.” Lueza cwalo kakusasana cwana, Ndate.

¹⁸⁶ Cwale, ni litho zaluna ze inami, cwale mutatube ka tokomelo, tokomelo, ka tokomelo luli. Mi, he, mube baba sepahala luli. Fela si—si lwala fela . . . Kona fela ze ezahalanga: mutatubelo wa hao ni busepahali. Mu tokomele hande ha musweli kutatuba cwale. “Ni tatube, Mulena. Ni like. Kana kuna ni bumaswe kuna? Haiba kuna ni, Mulena, tuhela kuli ni li beye fafasi, ona fa cwale. Sibaka se, fo Ni inami, ki aletare ya Hao. Ni li lula fafasi, ona fa cwale, ni beya mautu aka fateni. Ha Ni ya, li ka inelela ona fani. Mata a Mali a Hao aka i sinyi. Ni bata kuba mutuli. Nina ni se si ni kataza, Mulena. Ni bata ku tula, kakusasana cwana. Na kona, ka Wena. Ni bulelezwi cwalo, ka Linzwi la Hao. Ni li lula fafasi cwale, Mulena, mi Ni hata fateni mahutu. Sina ha Ni zwa mwa muyaho wo kakusasana cwana, ku zamaya, ka kuziba kuli li beilwe mwa—mwa sikotolo sa mulyani o kubula wa Mulimu. Halina ku hupulwa ni kamuta. Ni ka li bakela cwale ni kukupa sishemo.”

¹⁸⁷ Ni litho za luna ze inami, meeto a luna a kwalilwe; lipilu za luna li nahane, sani kona sikwalo kwa moyo, mwa ziba. Kana kuna ni sesiñwi so bata kubeya kwatuko kakusasana cwana, sika so bata ku tula? Mi uli likile katata luli, kono, kakusasana cwana, uka tuhela fela kulika-lika. U ka amuhela fela sa Na ezize. Ni bata kuli unanule fela lizoho la hao, uli, “Mulena, Ni bata ku tula. Nto yeñwi ya ni bilaeza.”

¹⁸⁸ Mulena Jesu, Wa bona mazoho ani. Cwale, kakuba mutanga Hao, ni yema mwahala baba pila ni baba shwile, Ni nyaza lika kaufela ze kataza sicaba se ni na kasibili. Mi Ni kupa ka Libizo la Jesu Kreste, lwakona ku li siya inge li beilwe fa aletare ya Mulimu, ni kuya kakusasana wo, lu lukuluhile, sina batuli.

¹⁸⁹ Haiba likezeli za luna ha li si ka ba kale ni muhau, ha li fiwe cwale, Mulena. Haiba mizwale yaluna ha i si kaba ni muhau, ha i fiwe cwale. Mi cwale, ka kuishuwa, boma ni bana ba bona, kufita kuba ni mahañi. Wa ziba kuli uinzi . . . Ki mukutazi kwa bana babanyinyani bani. Bupilo bwa hae ki mutala. Ndate ki mutala ku boma, kakuli ki yena toho ya ndu. Boma ba likile ku ipahamisa fahalimwa bo muuna bona; kuzwa kacenu basike ba eza cwalo ni kamuta. Haiba ne ba itusisa bona inge museme fa kuhata, zeo halisa ezahala ni kamuta. Se li mutusi. Lumeleza cwalo, Mulena. Lika ze kaufela ze lu tibela, Mulena, li takulwe.

¹⁹⁰ Lu—lu ipa ili luna, Ndate, ka nako ya bupilo ye lunani fapila luna, ka kuziba cwana, kuli luna ni kutaha kwa mafelelezo a yona, mane se li nako. Kacwalo, kakusasana cwana, lunga kolo ye, kasumulaho wa Liñusa le. Lunga kolo, Mulena, ya kutaha, kakuli lu kupilwe kuli lutahe. “Munepele lipilaelo za mina ku Yena, kakuli Wa mi tokomela.” Na Ku ziba, Mulena. No tokomezi

hahulu mane wa lu shwela. Mi kaniti lwakona ku tokomela hande kutaha ku to amuhela so No shwezi.

¹⁹¹ Lu kenise, Mulena. Lu taze sinca ka Moya o Kenile. Mi Moya o Kenile u buse fela mwa lipilu za luna, ka kuipitela, kuli lu zamaye, lu libale lika ze li kwa mulaho, sileze ni masila mo lukile lwa pila. Lu ka ikataza kuya kwapili kwa pizo yepahami, ko Maseli a luna a kona kumonyeha mwa bunde ni buishuwi, kufitela mutu kaufela ya fita abulele kuli, “Ki bwani bupilo bwa Bakreste fa lilundu lani. Mutu yani, musali yani, muuna yani, ki palisa ya luli yeikokobeza ya Mulimu. Ki babande hahulu mi ba sishemo hahulu, kamita ba tabile mi ki babande, ni kutwisiso.” Lumeleza cwalo, Ndate. Lubeñi ba lizwai, kuli lifasi likone kunyolelwa; lumeleza cwalo, Ndate; ni kutula lika za lifasi le, ni lipilaelo za bupilo bo. Ka Libizo la Jesu Kreste. Amen.

Na kona . . .

Cwale halu nanuleñi fela mazoho a luna.

. . .Mupulusi . . .

Ubiza sikamañi? “Aku tahe, zwa mwa sileze.” Ki Bupilo bo bu pahami; Sesiñwi si ku wena, sa ku hoha ona cwalo. Ki sikamañi seo? Ki Yena. Mwatasi a sileze, mapalisa amanyinyani; una ni Bupilo mwahali mwani, bo buikatataza ku wena. Sani kona se si ku biza, “Akutahe, uzwe mwa sileze.”

“ . . .latelela, latelela . . .”

¹⁹² Cwale, kikuli mutalusa cwalo? Cwale ki fo a mu itime kwa meeto.

Kwa Ni isa Ni ka latelela,

Cwale aku ipe ili wena. Utaluse ona cwalo, cwale.

Kwa Ni isa Ni ka latelela,

Kwa Ni isa Ni ka latelela,

Ni ka ya ni Yena, ni Yena, nzila kaufela.

Kwa Ni isa Ni . . .

Ha munati fela cwale. Hupula, ipeye ili wena foo.

. . .Wa etelela . . .

“Ni ka li beya fa, Mulena. Ni ka Ku latelela, kuzwa cwale kuya kwapili. Na Li amuhela. Na Li lumela.”

Ko a Ni isa . . .

Uhupule, bupilo bwa hao bu ka paka ka kuhuwa kufita mulomo wa hao. Mo pilela ku ka bonisa kwa sicaba kufita so bulela.

Zamaya ni Yena, ni Yena, (Nzila . . .Kakai?)
nzila kaufela.

¹⁹³ Muipeye fela ili mina, ka kutala, ka kusepahala, pilu ya mina kaufela. Kucwani haiba ye ikona kuba nako ya mafelelezo yo no ka lumelezwa kulapela? Ikona kuba cwalo. Na sepa ha ki yona.

Ikona kuba cwalo. Mi, ube ya sephala cwale, luli usepahale, luli usepahale. Muhupule, sikwalo si ka kwala, zazi leliŃwi, kipeto kufelile. “Mukupe, mu ka amuhela.”

¹⁹⁴ Nahana fela kanya kaufela yeo A file ku wena, lika kaufela Za ezize. “Na lumela, Mulena. Na lumela. Ni lumela kuli ki Wena mutuli waka. Ni zamaya fela ni Wena, Mulena. Ni bata kuina bukaufi ni Wena, kuli ko U inzi, Ni bata kuba teŃi.”

¹⁹⁵ Mi hupula, No lu bulelezi, Ndate, kuli, “Lu kaba ni Mulena kamita, ha lu ka ngelwa.” Luna ni fela—fela mubeu nyana wa munahano ka Yena cwale, hanze Ataha ni luna cwale. Kono he luka. . . Ha ki nto kwa butuna ni yeo, ka kuziba fela kuli U mwahala luna—luna! Ku kaba cwani haluka yo ba ni Yena kuyakuile? Lu lata hahulu misebezi ya luna: lwakona kuya lu pahami; lwa kona ku yo leka lika; lwa kona ku yo zuma, kuyamba, kamba kaufela se lukona kueza mwa minyaka. Kono, oh, keleke ha i kwaluha, lu bata ku kopana ni Mulena luna. Zeo kona zetuna hahulu kwa lika kaufela. Mi, munahane, Na lu sepisize. “Mi kamita lube ni Mulena. Luka ina ni Yena mwa lubona lwa Hae, mi lu be ni Yena kuyakuile.” O Mulimu, lwa ikokobeza, ka—ka litoho ze inami, lwa li amuhela, Mulena, ka Libizo la Jesu Kreste.

¹⁹⁶ Kana uikutwa kuli wakona kusiya, cwale, lika kaufela, mutiyo kaufela? Wakona fela kuzamaya ku i kela, ube fahalimwa zona cwale? Haiba u lumela, nanula lizoho la hao, uli, “Ka sishemo sa Mulimu Ni lula muliko wo fafasi. Hanina ku u lwanisa, ni kamuta. Ni ka swala fela lizoho la Hae, ni kale kuzamaya.”

“Ni lwanile, Muzwale Branham. Ni likile kutuhela kuzuba. Ni—Ni likile ku uta milili yaka kuli ihule. Ni likile kueza se. Ni ezize. . . Ni likile, ka tata luli, Muzwale Branham. Ha ni koni fela kueza cwalo.”

Usike wa lika zeo, ni hanyinyani. U swale fela lizoho la Hae, uli, “Ndate, Aku beye lizoho laka mwa sapalo sa lizoho.” Mwabona? “Ni ka Kufa fela lizoho la ka. Ni ka zwelapili, Mulena, ni talimele ku Wena.” Si ka ezahala. Uka ku apesa sina Mukreste wa niti. U kaba Mukreste wa niti.

¹⁹⁷ Kufitela Ni mi bona, busihu, Mulimu a mi late mi abe ni mina. Mu bana baka ba Evangeli. Mu baba lekilwe.

Cwale Ni mi fa mulisana wa mina, ku kutela ku mina, kuli a lukulule, Muzwale Neville. . . ? . . .



NI KA TULA CWAŃI? LOZ63-0825M
(How Can I Overcome?)

Liñusa le ka Muzwale William Marrion Branham, neli kotalizwe lwa pili mwa Sikuwa la Sunda kakusasana, Muyana 25, 1963 ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org